

122  
f.  
98

6

22--a



---

Ex Bibliotheca  
majori Coll. Rom.  
Societ. Jesu

21-7-25

21-9-25

1-22. a. 15









<sup>3</sup>  
*Eminentissimo, ac Reverendissimo*  
D O M I N O  
FR. MARCO ANTONIO  
ZONDADARIO,  
*Hierosolymitani Ordinis Magno*  
*Magistro, Principi*  
*Insularum, Melitæ, Gaulos &c.*



JOANNES ANTONIUS CIANTAR.



Uamquàm libros Prin-  
cipibus Viris nuncupare, EMINEN-  
TISSIMÆ DOMINE, consuetudo mihi

# AD LECTOREM.

9

**V**idebitur tibi, amice Lector, Libellus hic meus fortassè inæqualis; quum quædam Epigrammata intempestivè, quædam infirmiori ætate composuerim. Poteram (haud inficior) optima seligere, eaque sola prælo tradere; sed vellem, te meminisse illius Martialis versiculi:

*Æqualis liber est, Cretice, qui malus est.*  
Satis igitur erit mihi, Lector amice, si tibi nonnulla placuerint; bonus enim Liber dici potest, in quo tam bona legantur, quàm mala Epigrammata; ut scribit idem Poëta ad Lausum. (Libro;

*Triginta toto mala sunt Epigrammata*  
*Si totidè bona sunt, Lause: Liber bonus est.*

In calce Libri duos indices apposui, unum Lemmatum, Rerum alterum; ut si quæ voces tibi difficiliore occurant, faciliorem invenias explicationem. Errores, qui excudentium incuriâ exciderint, te benignè correcturum esse, confido. Vale.



*Imprimatur*

Si videbitur Reverendissimo P. Mag.  
Sac. Palatii Apost.

*N. Baccarius Episc. Bojan. Vicesg.*

**E**X mandato Reverendissimi P. Gregorii Selleri Sac. Palatii Apostolici Magistri legi, & perlegi Tres Epigrammaton Libellos conscriptos ab Illustrissimo D. Comite Joanne Antonio Ciantar. Nihil prorsus adinueni, quod Religioni, bonis moribus adversaretur; proinde Opusculum plenum eruditione, & culturâ linguæ latinæ profuturum valdè puto ad promovendum Litterarum amœniorum studium. Datum Romæ in Monasterio S. Stephani suprà Caccum III. Kal. Junii MDCXXII.

*D. Ignatius Benedictus Xaverius Cellefius Congregationis  
Sylvestrinorum Lector Sac. Theologiæ in Monasterio S. Ste-  
phani suprà Caccum de Urbe.*

*Imprimatur.*

Fr. Gregorius Selleri Ord. Prædicat.  
Sacri Palatii Apost. Magister.

*Ad*

# AD AUTHOREM.

## EPIGRAMMA.

**Q**Uòd primos annos studiis cum laude dicasti,  
Laus ingens fuerat, CIANTAR amice, tua;

Otia quòd Juvenis magnà cum laude recusas;  
Hæc certè primâ laus tua major erit.

Et Juvenis scribis nunc digna Epigrammata laude:  
Quid laudis restat jam tibi ferre seni?

P. Salvatoris Mauricii Soc. Jesu, Litte-  
rarum Humaniorum Professoris



*Ad Eundem Romam proficiscentem  
sua Epigrammata prælo  
daturum.*

E P I G R A M M A.

**I** Bis, & invideo, Sacratam, CIANTAR, in Urbem;  
Divertesque, puto, Thyrsidos ad tumulum:

Invenies illic Phœbum, Musasque gementes,  
Thyrsidos heu! dulces collacrymare sonos.

Trade tuos libros Phœbo, Musisque legendos:  
Sic facies, omnis causa doloris eat.

Ejusdem




COM:

COMITIS JO. ANTONII  
CIANTAR  
EPIGRAMMATON

LIBER I.

*Eminentissimo Melitæ Principi F. MARCO  
ANTONIO ZONDADARIO, Magno Hiero-  
solymitani Ordinis Magistro &c.*

EPIGRAMMA I.

 Uper Apollineam sedeo dum solus ad undam,  
Curarum ut relevet murmura murmur aquæ;

En chorus Aonidum, Phœbo ductore, Sororum  
Plausibus, & cantu personat omne nemus;

Excelsi facta alta Ducis, laudesque retexunt;  
Nomen at Herois plectra canora tacent.

Accedo, nomenque Ducis, titulumque reposco,  
Quisve sit Aonio plausus, honorque choro.

Reppulit audacem, velut indignata Thalia;  
Sed licet iratæ vultus amantis erat.

Ecquid? ait: nescis, celebrant cum maxima Musæ,  
Non nisi de vestro plectra sonare Duce?

A

Ad

*Ad* LECTOREM .

## EPIGRAMMA II.

**S**Itibi culpa parùm occurrant epigrāmata quēdam,  
Ne damnes nostrum , LECTOR Amice , librum :

Nam minùs amotis umbris pictura placeret ;  
Illustrat lætos nox inamœna dies .

*Ad* ALEXANDRUM MACEDONEM*Ad* ACHILLIS *tumulum lacrymantem* .

## EPIGRAMMA III.

(LIS?

**C**Ur gemis ad tumulum, fortissime Ductor ACHIL-  
Flebilis an-ne dolor, Regius esse potest?

Bellorum fulmen mœstos languescat in imbres ,  
Irriget armatas lacryma sparsa genas ?

Tam decet in terris MACEDŪM flevisse Gradivum ;  
Quàm decet in Cœlo collacrymare Jovem .

Fors in ACHILLÆO relegis tua fata Sepulchro ,  
Discis & à tanto pulvere , posse mori ?

Sed mortem timuisse negas . Tibi nomen ACHILLIS  
Excitat invidiam , non facit urna metum ,

Excitat invidiam , quod ACHILLEM canet Homerus ,  
Mæoniæque cupis murmura plena tubæ .

Ma.

**Macte animis. Meliùs venturo consulis ævo:**  
**Hæ lacrymæ ad famam major Homerus erunt.**

*Ad LINUM*

**EPIGRAMMA IV.**

**I**Nsula cognato surgit circumflua ponto  
 Tuto prompta sinu mille fovere rates;  
 Pensilis Autumnus scopulos, collesque coronat,  
 Æmulaque Autumni Flora, vel alma Ceres.  
 Navigat Augustam peregrinus Mundus ad Urbem,  
 Orbe ab utroque vehit prodiga Tethys opes.  
 Barbarici latè frænum, terrorque furoris .....  
 Sed, LINE, subrides, atque ais: Hæc MELITA est

*Ad THEOPOMPUM.*

**EPIGRAMMA V.**

**S**ic, THEOPOMPE, moves lentos de limine gressus,  
 Ut, passus, reputem, te numerare, tuos.  
 Tanto nec studio Geometra examinat agrum,  
 Quantâ tu gressus dividis arte tuos;  
 Nectes, atque dies non sic Libra alta recenset,  
 Expendis passus ut, THEOPOMPE, tuos.

Cùm tanto incedas studio, THEOPOMPE, morâque,  
 Ingenium in pedibus te quis habere neget?

*In CINNAM,*

EPIGRAMMA VI.

**G**Rande supercilium faceret si, CINNA, Catonem,  
 Iam poteras mundo tertius esse Cato.

Si qui se jactat, sapiens meret ille vocari,  
 Diceris octavus, CINNA, mihi sapiens.

Attamen ingenium si perquirantur, & Artes,  
 Nec dici sapiens, nec Cato, CINNA, potes.

*Ad PHILOMUSUM.*

EPIGRAMMA VII.

**C**alles, nemo negat, PHILOMUSE, Palæmonis artē;  
 Sed nec es orator, sed neque scribis epos;

Attamen affectas vates, ac rhetor haberi;  
 Jam nec Grammaticum te, PHILOMUSE, puto.

In Funere  
 THYRSIDIS LEUCASII P. A.

EPIGRAMMA VIII.

**P**Arrhasiæ, Sacra turba, Deæ, nunc fundere fletus  
 Tempus, & impexis spargere colla comis.

Leucasius, modò vester honor, modò gloria, THYRSIS  
 Exanimis tumulto pulvis, & umbra jacer.

Vultus abest vultu; formæ sua forma recessit;  
 Et nullum frontis lumina lumen habent.

Siccine vox linguam, color os, calor ossa reliquit?  
 Sic dulcis linguæ conticuere modi?

Ploret Aventinis gemebunda in vallibus Echo:  
 THYRSIDOS heù! voces jam retulisse nequit:

Reddite nunc Vati flores, & dona Camœnæ:  
 Tot saltem flores ferte, quot ille dedit.

*Ad OLUM.*

EPIGRAMMA IX.

**O**LE, die plures vexant te, nocteque lites,  
 Et resonant causis compita multa tuis:

Patronus viduæ, patronus es, OLE, puellæ,  
 Contenditque cliens quilibet esse tuus.

Est



Est tibi nulla quies . Nostras his vocibus aures  
Semper divexas . OLE , quiesce parum .

*Ad NÆVOLUM .*

EPIGRAMMA X.

**C**UM minimi coxas leporis mihi, NÆVOLE, dones;  
Ilia semesi cū mihi mittis apri :

Quòd grates non reddo, doles : vis, NÆVOLE , grates?  
Munera submittas , quæ mereantur : agam .

*ÆSCHYLUS Poëta à Testudine ex Aquilæ  
unguibus decedente occiditur .*

EPIGRAMMA XI.

**Æ**SCHYLUS Hyblæos dum fortè perambulat agros,  
Atque cothurnatum mente revolvit opus :

Ales fida Jovi raptâ testudine nubes  
Tranat , & hamatis unguibus hæret onus .

Vatis ut inspexit calvum caput, esse putavit  
Marmor: ut in marmor vibrat ab ungue dapem;

Scilicet, ut faxo faxosam conterat escam :  
Conterit heu ! Sacrum testa animata caput .

Claudit opus plusquàm tragico eheu fine Tragoedus ,  
Quem testudo volans alite morte necat .

*Ad*

*Ad PONTICUM de RUFFINO.*

EPIGRAMMA XII.

**S** Ardoam RUFFINUS equam mille assibus êmit,  
Si dici nobis illa meretur equa,

Quâ Getulus orix membris est, PONTICE, major;  
Cui par Ichneumon, PONTICE, corpus habet.

O quantùm Rhedæ Myrmecidis apta trahendæ  
Illa foret, tantum si superesset opus!

*De CEREÆ Mortis Effigie.*

EPIGRAMMA XIII.

**Q**Uam, Libitina, decet facies te CEREÆ! Quippe  
CERÆ instar quævis, te properante, liquent.

ESAU *lentis edulio primogenita;*  
LYSIMACHUS *frigidaë haustu*  
*regnum vendidit.*

EPIGRAMMA XIV.

**D**ivitias ESAU commutat lente paternas.  
Majoris pretij non fuit ulla fames.

LYSIMACHUS gelidâ regnum commutat & undâ.  
Majori pretio non stetit ulla sitis.

Vile-

Vileſcunt gazæ , vileſcunt regia ſceptra ,  
Si lens plùs illis,plùs valet hauſtus aquæ :

*Ad LABIENUM de LAUSO.*

EPIGRAMMA XV.

**Q**Uòd trahat ex imo ſuſpiria pectore LAUſus ,  
Et quod mœrenti triſte quid ore noter :

Non illum crudelis amor , non torquet honorum  
Ambitio ; aut medijs naufraga navis aquis ;

Sic tamen affectat dici miſer , atque videri.  
Quantùm vult credi , ſit , LABIENE , miſer .

In illud Juvenalis : *Alea turpis ,  
Turpe & adulterium mediocribus ,  
hæc tamen illi  
Omnia cum faciant hilares , niti-  
dique vocantur .*

EPIGRAMMA XVI.

**S**I ſcelus admittat Pauper,cita pœna nocentem  
Opprimit , ac toto publicat orbe Reum .

Si crimen peragat dives , ſpendeſcit ab auro  
Protinùs , & probrum nomen honoris habet .

Cogitur ad remos minimi Latrunculus auri ;  
Regnorum Prædo regia ſceptra gerit .

Quàm

Quàm malè cæca suos fors perfida perdit amantes !  
 Dum laudat sonres , imperat esse reos .

### *In POSTHUMUM.*

#### EPIGRAMMA XVII.

**N**escis , quid tractent Arpinæ, POSTHUME , chartæ;  
 Nescis , quæ scribat carmina Virgilius .

Euclidis nunquam legisti , POSTHUME , libros ,  
 Quosue Syraculius scripserat Astronomus .

Quæ referat Tacitus , referat quæ , POSTHUME , Florus ,  
 Nescis ; nec sunt hæc nomina nota tibi .

Quæ Barbosa refert , tractat quæ Bartolus , ipse  
 Scis tantum ; imò te dogmata plura latent .

Hoc est , cur quemuis spernas , cur , POSTHUME , doctum  
 Te solum credas , curque supinus eas ?

Si , quòd pauca tenes , doctum te , POSTHUME , censes,  
 Plurima quòd nescis , dic mihi , qualis eris ?

### *De UVA depicta à ZEUXIDE.*

#### EPIGRAMMA XVIII.

**D**epictam portat depictus Portitor UVAM:  
 Protinus ad botros plurima currit avis ;

B

Non

Non pavet illa virum. ZEUXIS malè pinxit, & UVA  
Quàm benè picta fuit, tam malè pictus homo.

*Ad AULUM.*

EPIGRAMMA XIX.

(ctent;

**A**Dquem pertineat domus, ad quem prædia spe-  
Atque Actor quis sit, quis sit &, AULE, Reus,  
Cognoscis: laudo; me vis hæc ipsa docere;  
Nolo: tibi Baldus, sitque Thalia mihi.

*Ad CINNAM.*

EPIGRAMMA XX.

**C**Um nunquam me, CINNA, manu, nec voce salutes;  
Cùm comes interior tu mihi semper eas:  
Gallorum morem, dicis, tibi, CINNA, placere;  
Et credis factum dissimulare tuum.  
Galli, CINNA, solent ad Cœnam sæpè vocare:  
Mos hic Gallorum non tibi, CINNA, placet.

*Ad FABULLUM mendacissimum.*

EPIGRAMMA XXI.

**S**I cupis, ut quisquam custos credatur Honesti,  
Illum, tu dicas, esse, FABULLE, malum.

*De*

## De EURICLÆO TONTINIŌ P. A.

## EPIGRAMMA XXII.

**Q**uid meus EURICLÆUS agat? dic, nostra Thalia:  
Scribit Aventino carmina digna iugo?

An fovet ille graves generoso pectore curas?  
Assistit Domino proximus ille suo?

An recolit Petri, an Pacis, Templumne Minervæ?  
An terit Exquilias, Flaminiamne viam?

Quid tuus EURICLÆUS agat? vis scire, Poëta?  
Fagindum assiduis vocibus ille sonat.

*Ad* CHÆRÆMONEM.

## EPIGRAMMA XXIII.

**T**urritos circumtollit tua Patria muros,  
Atque frequentatas pandit ubique vias.

Obiicit elatos imitata palatia colles,  
Dædaleâque parat structa theatra manu:

Sed, veluti Cycnus niger, est ibi rarus Amicus:  
Patria, CHÆRÆMON, nil habet ergo tua:

*Ad MUNNAM.*

## -EPIGRAMMA XXIV.

**S**æpè Viris jactas summis te , MUNNA , placere ;  
Censesque hoc laudem conciliare modo .

Illis , non admiror ego , te , MUNNA , placere :  
Nempè solet summis scurra placere Viris .

*Alcmanus Poëta LYRICUS , qui primus  
amatorias cantilenas invenit ,  
phthisicus mortuus est -*

## EPIGRAMMA XXV.

**Q**ui primus cecinit versus , Alcmanus , amoris ,  
Consumptus phthisicâ Tartara febre petit .

Versibus ille quidem haud solùm cantavit amores ,  
Sed docuit , quantâ febre fatiget amor .

*Aliud.*

## EPIGRAMMA XXVI.

**F**ebre perit phthisica , cecinit qui primus amores ,  
Et meritò : nam non est , nisi febris , amor .

## Ad PONTICUM.

## EPIGRAMMA XXVII:

**T**Am benè tu leporis lumbum discindis, & armos,  
Vt tibi vel Tripherum cedere posse putem.

At das convivis frustum, quod respuis ipse,  
Quodque placet, frustum, PONTICE, solus edis.

Vellem, te potiùs nunquam didicisse secare,  
Quàm solùm jugulo scire secare tuo.

## Ad COTILUM.

## EPIGRAMMA XXVI.

**D**ic mihi, cur adeò defendas, COTILE, mœchos?  
Num quia casta tibi, COTILE, vita placet?

*De HERMOCRATE, qui moriens se sibi  
Hæredem testamento scripsit.*

## EPIGRAMMA XXIX.

**H**ERMOCRATES stygias demigraturus ad undas  
Hæredem tabulis se sibi substituit.

Fama Prienæum cesset memorare Biantem;  
Hic verè est, secum qui bona cuncta tulit.



*In PHILOMUSUM.*

## EPIGRAMMA XXX.

**N**on es, sed speras, fore te, PHILOMUSE, Tribunum;  
Jam tamen attollis grande supercilium.

Creditur, obtento, vanus, qui turgēt honore;  
Dum nihil es, verū tu, PHILOMUSE, tumes.

*Ad MARCELLUM de CODRO.*

## EPIGRAMMA XXXI.

**S**ic narrare solet CODRUS, MARCELLE, futura,  
Ut res, quas nobis sæcula prisca ferunt.

Ne stupeas: nam cū sit lumine læsus utroque,  
Tiresiæ mentem, credit, habere senis.

*Ad MATHONEM CHYMICUM.*

## EPIGRAMMA XXXII.

**A**rte, MATHON, vanâ dum tu ditescere tentas.  
In fumos censum cernis abire tuum.

Qui furor est, nummos ut quæras, perdere nummos?  
Vis fieri pauper, dives ut esse queas?

*Ad* SEXTILIANUM *de* BITHYNICO.

## EPIGRAMMA XXXIII.

**A** Ccinctus multis ibat BITHYNICUS armis:  
Laxasset gerulos sarcina athena duos.

Vidit, & irrisit prompto Nigrina cachinno;  
Quin ait: Orlandus sic furiosus erat.

Iratus nudum strinxit BITHYNICUS ensen;  
Altera sed vectem sustulit iliceum.

Quid credis, tantâ fecit BITHYNICUS irâ?  
Arripuit subitam, SEXTILIANE, fugam?

*In* CINNAM.

## EPIGRAMMA XXXIV.

**H** Aud profers verbum, quod non sit felle refertum,  
Nec scis innocuis ludere, CINNA, jocos.

Non sic Archilochus fertur punxisse Lycamben;  
Nec tam consuevit rodere, CINNA, Theon.

Quæ tibi pro tanto debetur pœna furore?  
Tu tibi tortor ades, te tua lingua ferit.

*Ad TULLUM .*

## EPIGRAMMA XXXV.

**N**Unquam laudabas uxorem ducere , TULLE ;  
Nunc laudas : illam ducere , credo , cupis .

Ne mala sit , caveas ; ut sit bona , sed quoque cures :  
Nilque malâ est pejus ; nilque bonâ est melius .

In illum Iuvenalis versiculum :

*Græculus esuriens in Cælum, iusseris, ibit.*

## EPIGRAMMA XXXVI.

**D**ifficile est Græco nihil : & cum torqueat illum  
Dira fames , jubeas , astra suprema petet .

Si verum Vates : quando non Græculus ibit  
In Cœlum , nunquam si caret ille fame .

In FORTUNAM .

## EPIGRAMMA XXXVII.

**D**ic mihi , mentitum , fallax , mutabile Numen ,  
Dic , FORTUNA , mihi , dic mihi , cæca Dea :

In te quid Musæ , aut blandus commisit Apollo ?  
Quid miseri Vates ? Dic mihi , cæca Dea :  
Cur

Cur tantum indoctis tua perdita munera donas,  
Facundisque noces? Dic mihi, cæca Dea....

At quæ turbavere meam deliria mentem?  
Quid juvat in cæcam sic fremuisse Deam?

*Ad MILITES Cartaginenses abscissis Mu-  
lierum crinibus arcus tendentes.*

EPIGRAMMA XXXVIII.

**D**Um vos fœmineis armatis crinibus arcus,  
Mittitis & certâ spicula certa manu:

Hostes accepto vestri jam vulnere discant;  
Fœminei crines quot mala ferre queunt:

*Ad PHILODEMUM.*

EPIGRAMMA XXXIX.

**D**Onanti nihilum requiem, PHILOMEDE, precaris,  
Ast aliquid danti nil, PHILODEME, refers.

Defunctis requiem non vivis more precamur;  
Credo, nihil donans, non mihi vivit, ais.

*Ad LUPERCUM.*

EPIGRAMMA XL.

**Q**Uam solemnibus induis diebus,  
Ornatissima vestis est, LUPERCE:

C

Ast

Ast antiquior est, vetustiorque,  
 Quàm Pellenica læna. Vis, ut illam  
 Commendem? fuerat, LUPERCE, pulchra.

*Ad NÆVOLUM de CINNA.*

EPIGRAMMA XLI.

**H**Æredem Fausti, sperans, se, CINNA, futurum,  
 Misit ei largâ munera crebra manu.

At moriens obolum Faustus nec donat Amico.  
 Sic etiam lucrum, NÆVOLE, CINNA facit.

*JOVIS Simulacrum à PHIDIA inchoatum  
 Fulmineo ictu perficitur.*

EPIGRAMMA XLII.

**P**HIDIACA spirans Simulacrum nobile dextrâ  
 Æthereo Divûm vidit ab axe Pater,

Et mox Artificis cœpit livescere famæ;  
 Nondùm perfectum jamue timebat opus.

Indè ait: à nostra peragatur Imago sagitta;  
 Haud ulli detur posse creare JOVEM.

*Ad CALOCISSUM*

## EPIGRAMMA XLIII.

**C**onflictus celebres narras, CALOCISSE, colono;  
Commendas forti segnia rura duci.

Phœbæo vati mollem describis alutam;  
Sutori misero disticha multa canis.

Quis furor est, CALOCISSE, tuus? Sit pœna furori:  
Nolit de dapibus verba movere coquus.

*Ad FAUSTINUM*

## EPIGRAMMA XLIV.

**C**ŭr infectetur noster, FAUSTINE, libellus  
Plures, at laudet Nomina pauca, petis?

Dicam: quàm plures occurrunt stigmatè digni,  
At pauci, meritò quos celebrare potes.

*Ad DEMOSTHENEM*

*Ex calamo venenum haurientem.*

## EPIGRAMMA XLV.

**N**umquid, Cecropiæ, Princeps facunde, Minervæ,  
Ufibus his calamum vis adhibere tuum?

Qui tibi victurum peperit per sæcula Nomen,  
Auctorem calamum num decet esse necis?

*Aliud*

*Ad EUNDEM.*

EPIGRAMMA XLVI.

**Q**Uâ, Libitina, viâ tentat tua funera? Cuspis,  
Quæ vitam peperit, nunc parit ipsa necem?  
Aut non debueras unquam mala Fata subire,  
Aut alio Fatum triste subire modo.

*Aliud*

*Ad EUNDEM.*

EPIGRAMMA XLVII.

**C**UM vulgata fuit totum tua Fama per Orbem,  
Famæ inviderunt improba Fata tuæ.  
Hinc statuere necem tetro sic ore locuta:  
Per calamum vivat, per calamum pereat.

*In PHILOMUSUM.*

EPIGRAMMA XLVIII.

**A**Rtem nugarum dicis, PHILOMUSE, Poësin,  
Cum nunquam fuerit notus Apollo.

Scire tamen nugas facile est: PHILOMUSE, Poëta  
Cur non es? Nugæ te, PHILOMUSE, latent!

*Ad*

*Ad HEROSTRATUM, cūm Dianæ Ephesinæ  
Templum incenderet.*

EPIGRAMMA XLIX.

**S**ilicet æternam ventura in sæcula famam  
Per fas, atque nefas, stulte, parare cupis?  
Hinc Triviæ occultas vibras in Fana favillas;  
Inclyta nocturno Fana cremata dolo.

Immortale tuum vivet per sæcula nomen,  
Sed magis æternum nomine crimen erit.

*Ad CALLISTRATUM.*

EPIGRAMMA L.

**I**ngenti si quis careat, CALLISTRATE, ceniu,  
Protinùs indoctus creditur ille tibi.

Forſan Doctrinæ Paupertas ipſa repugnat;  
Et modò divitibus docta Minerva favet?

Diogenem quandoque capit verſalis ædes;  
Sæpèque Chryſippum trita lacerna tegit.

*Ad FAUSTUM de Nigrina.*

EPIGRAMMA LI.

**C**ur non eſt unquam Nigrinam, FAUSTE, videre?  
An quia pulchra nimis, vel quia pulchra nihil?

ALX.





ALEXANDER MAGNUS, & DIOGENES  
 CYNICUS *eodem anno, eodemque  
 die vitam cum morte  
 commutaverunt.*

EPIGRAMMA LII.

**P**Arte licèt variâ lux una expellit ab Orbe  
 Pellẽm Juvenem, DIOGENEMQUE senem.  
 Portitor Infernus cymbâ dum portat utrumque,  
 Consortem noscit vectus uterque suum.  
 Siccine, Dux Macedo, cadit hùc Victoria Mundi?  
 Omnia qui potui vincere, vincor? ait.  
 Alter ait: sequitur CYNICOS hæc meta labores,  
 Tàmque mihi vanum spernere cuncta fuit;

*In POSTHUMUM.*

EPIGRAMMA LIII.

**C**Um tibi, Marcellum scripsisse poëmata, dicam,  
 POSTHUME, Palladiâ non renuente Deâ;  
 Cum tibi cordati præclarè gesta Sabelli,  
 Doctæque Faustini, POSTHUME, dicta feram:  
 Protinùs exclamas: mentiris. POSTHUME, tecum  
 Et si victuro lis mihi nulla placet;  
 Vis tamen, ut dicam nonnunquam, POSTHUME, verum?  
 Nil facis, aut scribis, nobile nilque refers.

*Ad*

*Ad* LIGURINUM.

EPIGRAMMA LIV.

**C**Rispinum damnas, faciat quòd disticha plura;  
Si potes, hoc vitium sit, LIGURINE, tibi.

*De* PHYLLIDE.

EPIGRAMMA LV.

**C**Um vidisset Amor formosam PHYLLIDA, sumpsit  
Protinùs ardenti flammea tela manu:  
Enixusque dolis cor mille ferire Puellæ  
Misit ad indictum spicula nulla scopum;  
Dein sibi desperans in duro pectorè sedem  
PHYLLIDOS in media fronte moratur adhuc.

*Ad* CALLIODORUM.

EPIGRAMMA LVI.

**Q**Uot mihi, CALLIODORE, pilos tua dextera tonder,  
Tot facit in mento stigmata dira meo.  
Parce meam lacerare cutem, munusque relinque:  
Posthàc Chirurgus, non mihi Tonfor eris.

*Ad SORTEM.*

## EPIGRAMMA LVII.

**N** Il mihi, Sors, tecum : felicem me tria reddunt,  
Prædia pauca, Domus paruula, multa Quies.

*Ad PHILETAM COUM ELEGIOGRAPHUM,  
qui fuit corpore tam tenui, ut  
plantis suis plumbum adhi-  
beret, ne ventorum flatu  
raperetur.*

## EPIGRAMMA LVIII.

**N** On ego te laudo, munis quòd pondere plantas,  
Ne rapiat corpus mobilis aura tuum.

Quod levis es, vitium haud est, sed dos rara Poëte:  
Nimirum Vates sæpè vocantur (\*) aves.

*Ad ALPHESIBOEUM CARIUM, Custodem  
Arcadiæ, Somnium ab URANIO  
TEGÆO in Arcadum confesſu  
narratum, eleganti Eclogâ  
interpretantem.*

## EPIGRAMMA LIX:

**T** Am benè TEGÆI Paſtoris Somnia, Custos;  
Explanas, veluti Morpheus ipſe fores.

Non

(\*) Poëta Muſarum aves à Theocrito vocantur.

Non promissa tibi debentur pocula tantum ,  
 Ast etiam capiti laurea ferta meres .  
 Illa tibi debet spondens TEGÆus ; at ista ,  
 Crede mihi , debet gratus Apollo tibi .

In illum Juvenalis versiculum :

*Orandum est , ut sit mens sana in corpore sano .*

EPIGRAMMA LX.

**Q**uid magis optandum nobis est corpore sano ?  
 Mente quid incolumi dulcius esse potest ?  
 Est felix , in se qui jungere possit utrumque ,  
 In terris est , cur liveat ille , nihil .

*Ad BITHYNICUM .*

EPIGRAMMA LXI.

**C**um Pelusiacam comedis , BITHYNICE , lentem ,  
 Vel fatuas bætas , prototomosque rudes :  
 Manducasse refert nobis , BITHYNICE , mullos ,  
 Ostrea , boletos , nectareosque favos .  
 Ferula quid jactas , tacito quæ ventre teguntur ?  
 En te mendacem scissa lacerna probat .

*De AULO.*

## EPIGRAMMA LXII.

**E** Sse quid hoc credam, quòd cui vis invidet Aulus?  
Ritè mihi quovis creditur inferior.

*Ad LIBRUM.*

## EPIGRAMMA LXIII.

**I**, LIBER ad Templum, quod Caci à nomine dicunt:  
Invenies plures, Nomina Sacra, Patres.  
Plures inter adest, cui mens plenissima Musis,  
Palladis excelsæ sed magis igne calens.  
Invenies illum doctâ Mysteria mente  
Fortè expendentem: protinùs inde redi.  
Si tamen à Studiis tranquillâ mente vacabit,  
Illius adpropera protinùs ipse finum:  
Nec redeas ad me, quàm te laudaverit, antè;  
Cum placeas illi, sat mihi charus eris.

COMITIS JO. ANTONII  
CIANTAR  
EPIGRAMMATON  
LIBER II.

*Ad Eminentissimum Principem F. MARCUM  
ANTONIUM ZONDADARIUM, Melitæ  
Littora novo portu ad exone-  
randarum navium com-  
modum ampliari  
curantem.*

EPIGRAMMA I.



Lurima non deerat statio benè fida carinis,  
Nec deerant rostris Littora tuta tuis;

At tu, qui semper moliris maxima, Princeps,  
Quæ credebantur plurima, pauca putas:

Portibus hinc portus regali munere curas  
Augeri; ac addis Littora Littoribus;

Littora dum crescunt, decrescunt Tethyos arva;  
Atque, ubi laxa rigent, æquoris unda fuit.

Commoda sic auges , minuis dum navibus æquor ,  
Cùm possint littus tangere rostra novum .

Sentiat ista redux ingentia munera Nauta ;  
Laudibus atque sonent Littora cuncta tuis .

### *Ad CINNAM .*

#### EPIGRAMMA II.

( cere ,

**C**Ūm nequeant, quæcunque legis, tibi, CINNA, pla-  
Cur non, CINNA, potes scribere, quæ placeant?

*Admodum Reverendo P. AUGUSTINO á  
Lucano, Ordinis quem vocant,  
Capuccinorum, Conciona-  
tori eximio.*

#### EPIGRAMMA III.

**F**acundo, AUGUSTINE, tonas cùm fervidus ore,  
Lætitiâ reple, cordaque nostra metu .

Nostra beat tua nimirum Facundia corda ;  
Nostra tuæ terrent conscia corda minæ .

Non laudata fatis doctæ Miracula linguae !  
Scis terrere simul, scisque placere simul .

*Ad*

*Ad CAROLUM V. horologium in  
annulo gestantem.*

EPIGRAMMA IV.

**A**Nnulus aurato claudens in carcere mortem  
Servabat Pœno dira venena Duci ;

Sed tibi labentes tuus indicat annulus horas ,  
Et tibi Cæsareos dividit usque dies .

Mortifero gestat Tyrius Dux toxica gyro ,  
Ut possit fato consuluisse suo .

Tu captiva geris Regali tempora in auro ,  
Ut palmas possis congeminare tuas .

*Ad PONTILIANUM.*

EPIGRAMMA V:

**D**Um jactas magno scriptas à Principe chartas ,  
Quas ab Hyperboreo nuncius axe tulit :

Pane obsignata affertur tibi pagina manso ,  
Quæ venit è patrio , PONTILIANE , jugo ;

Illa repentinum tibi suscitât ore ruborem ;  
Sed subitos motus dissimulare cupis ;

Quin ais : à nostro scripta est hæc charta colono ,  
Qui fœcunda mihi sedulus arva colit .

Cur



Cur ergo tanto sunffunderis ora rubore ?  
Plurima te forsan jugera habere pudet ?

Ad QUINCTIAM .

EPIGRAMMA VI.

**C**Um possent Latia tibi , Matronæque Sabinæ  
Cedere , quasque canit , Quinctia , fama vetus ;  
Cum posses formâ victricem vincere Divam ,  
Quæ pomum Phrygio Judice pulchra tulit :  
Quòd non ipsa tuo valeas placuisse marito ,  
Ne stupeas : illi es , Quinctia , dissimilis .

Ad CRISPUM de AMILLO .

EPIGRAMMA VII.

**N**Ec mala , nec mediocria carmina scribit AMILLUS ,  
Qualia , CRISPE , facit ? Pessima sola facit .

Ad CLEOPATRAM *aspidibus corpori admo-*  
*tis se interficientem .*

EPIGRAMMA VIII.

**O**ratam , Regina , necem quòd quæris ab angue ,  
Ut possis stygias libera adire domos :

Nil

Nil miror . Vitâ Libertas charior ipsâ est,  
Quodque facis , magnus fecerat ante Cato .

Sed si tantus amor te Libertatis adurget,  
Cur vitiis fervis ; criminibusque tuis ?

*Ad FAUSTUM de LUPO .*

EPIGRAMMA IX.

**Q**Uæ Pius Orator rostro dicebat ab alto ,  
Scribebat dextrâ quàm leviores Lupus :  
Postquàm scripta ferè vigesima charta fuisset ;  
Quæ , rogo , scripsisti , dic mihi verba , Lupe .

Continuò Lupus exclamat : pulcherrima verbâ !  
Hoc unum scivit dicere , FAUSTE , mihi .

*Ad COTILUM .*

EPIGRAMMA X..

**P**ARCè manducas , & potas , COTILE , parce :  
Quilibet hoc novit : COTILE , parcus homo es .  
Verùm ne placeas nimium tibi , COTILE parce ,  
Nam qui parcus homo est , COTILE , avarus homo  
( est .

*Ad EURICLÆUM Tontinium P. A.  
Cùm Romam rediissem.*

EPIGRAMMA XI.

**P**ost lustrum Dominos reviso Colles,  
Post lustrum recolo bonos sodales  
[ Quos inter prior, EURICLÆE, fulges ]  
Quos dum non licuit videre, tristis  
Tot noctes ego, tot dies trahebam,  
Quot brumæ mihi quinquies peractæ ;  
Æstatesque dedere quinque. Fata,  
Illos ne mihi computetis annos:  
Non vixi, procùl Urbe cùm morabar.

*In Illud Juvenalis.*

*Se Judice nemo nocens absolvitur.*

*Ad CALOCISSUM.*

EPIGRAMMA XII.

**C**rimina si peragas, nunquàm, mihi crede, care-  
Judice, nec Pœnà, nec CALOCISSE, Reo. (bis  
Quippè tuum tibi crimen erit promptissima Pœna,  
Conscia mens Judex, Arbitriumque Reus.

Ad

*Ad PONTICUM de Lauso.*

EPIGRAMMA XIII.

**H**ANC urbem placuisse negat sibi, PONTICE, Lausus;  
Urbe sed hac nunquam, PONTICE, Lausus abit.

*Andabates Gladiatores clausis oculis  
dimicabant.*

EPIGRAMMA XIV.

**D**icite, cur oculis miscetis praelia clausis,  
Andabates? Vobis lumina forte nocent?

Numquid ut adspectum Mortis fugiatis acerbum?  
Dirigat aut vestras Sors ut amica manus?

Non ita; sed gravius meditatur dextera vulnus:  
Nostis, quæ pariat vulnera cæca manus.

*Ad LIGURINUM.*

EPIGRAMMA XV.

**C**um sis tam felix, ut possit Lucius ipse  
Sylla tibi agnomen cedere jure suum:

Cur semper quereris, jactas suspiria, ploras?  
Vivere vis lætus? Sis, LIGURINE, miser.

## Ad SEXTUM.

## EPIGRAMMA XVI:

**Q**Uòd tua, SEXTÈ , magis placeant,quàm carmina  
 Ne Populi vanâ laude supinus eas : ( nostra ,  
 Victus ab Alcamene , ut perhibent,fuit (\*) Æmulus  
 Quamvis(\*)hic Phidiæ proximus arte foret(alter,  
 Laudentur tua, SEXTÈ , magis , quàm carmina nostra ,  
 Dum sis Alcamenes , sim (\*)Æmulus alter ego.

*In Funere P. ALOYSII Vuzzini Soc. Iesu,  
 Morum integritate Insignis.*

## EPIGRAMMA XVII.

**F**lete Decus vestrum, Virtutes flete sorores:  
 Communis vobis causa doloris adest.  
 Deferit heu! Terram , properat qui vivere Cœlo ;  
 Qui vobis auxit luminâ, lucē caret.  
 Quo posthâc niteas verecunda Modestia vultu ?  
 Quo ve magis regnes flammeo in ore Pudor ?  
 Quâ meliùs vigeas princeps Prudentia mentē ?  
 Pectora quæ potiùs Candor habere velis ?  
 Flete

( \* ) Agoracritus, cuius opus fuisse dicitur Rhamnusia  
 Veneris Simulacrum.

Flete Decus vestrum, Virtutes flete Sorores:  
Communis vobis causa doloris adest:

*In* CASTRICUM

EPIGRAMMA XVIII.

**C**inna solet longas epulis producere noctes:  
CASTRICE, jam novi, est Cinna gulosus homo.

Mœchatur Ligurra magis, quàm Claudius olim;  
CASTRICE, Ligurra est luxuriosus homo.

Famosum furtis Verrem Sertorius æquat:  
Fur Sertoris est: CASTRICE, nemo negat.

Helluo tu non es, nec Fur, nec, CASTRICE. Mœchus  
Vis, dicam, quid sis? Es vitiosus homo.

*Ad ANACREONTEM Poëtam passæ uvæ  
acino suffocatum.*

EPIGRAMMA XIX.

**Q**uod fauces acinus passæ tibi strangulat uvæ,  
Ne doleas: fructus namque necare solent.

Primus Adam sensit lethalia vulnera pomi;  
Nunc pomo ipse peris illius, atque tuo.

## Aliud

*Ad EUNDEM.*

## EPIGRAMMA XX.

**C**Um nil hausta tibi nocuissent dolia centum ,  
Enecat en acino te uva inimica suo .

Accidit in puncto , quod non contingit in anno :  
Effundens vitam dicere jure potes .

*Ad GELLIAM.*

## EPIGRAMMA XXI.

**C**onsulis in speculo cretatum, GELLIA, vultum ;  
Nempe placere aliis semper , ubique placet .

Tolle tuas artes ; sincerumque indue vultum :  
Ut placeas , vultu quære placere tuo .

*Ad FAUSTUM .*

## EPIGRAMMA XXII.

**Q**Uæ te, FAUSTE, rogo, donas mihi, FAUSTE, libenter ;  
Cùm nil, FUSTE, rogo, das , mihi , FAUSTE, nihil ;  
Crede mihi , quamvis placeant concessa roganti ,  
Quæ data sponte, magis munera, FAUSTE, placent,

In illud Juenalīs: *Mors sola fatetur,  
Quantula sint hominum corpuscula.*

## EPIGRAMMA XXIII.

**Q**uantula sint hominum corpuscula sola revelat  
Urna; sed ex urna discere quemque decet;  
Felicem Alcinoum convivia splendida jactant;  
Sed miserum Vermes, queis datur esca, probant,  
Scire cupis quid sis, Mortalis? Consule Mortem:  
Ista dabit fortes noscere posse tuas.

*Ad NIGRINUM.*

## EPIGRAMMA XXIV.

**A**D coenam me sæpè vocas, NIGRINE; sed ipse;  
Quas edo, bucellas sedulus enumeras;  
Sed vis, ut laudem, quidquid laudaveris ante;  
Serviat impensis ut mea capsa tuis.  
Convivam tibi quære novum, NIGRINE, deinceps:  
Viliùs esurio, commodiùsque domi.

*Ad N., & N. N. fratres invicem charos.*

## EPIGRAMMA XXV.

**U**nanimes sileat felix Trinacria Fratres;  
Nec jactet Natos credula Leda suos;

Sed



Sed neque Tantaleos geminatum lumen Atridas  
Carminibus Vates ultima in astra ferant;

Omnis amor vestro cedat fraternus amor:  
Estis fraterno Vos in amore Duces.

*Ad GALILÆUM TELESCOPII inventorem,  
cæcum emortuum.*

EPIGRAMMA XXVI.

**N**aturam læsisse mihi, GALILÆE, videris,  
Dum reserata vitro cernimus astra tuo:

Sed pœnam dignam persolvis crimine: crimen  
Est vidisse nimis, pœna videre nihil.

Aliud

*Ad EUNDEM.*

EPIGRAMMA XXVII.

**Q**uæ quis dat, perdit: mirum, GALILÆE, quid ergo,  
Lumina quòd perdas, lumina cum dederis?

*Ad SABELLUM.*

EPIGRAMMA XXVIII.

**Q**uinctum, quem proba diligebat uxor,  
Immatura premunt, SABELLE, Fata.

Sex-

Sextus, quem cruciat, teritque semper  
Coniux improba, vivit, ac senescit.  
Quem credis miserum magis, SABELLE?  
Festina abripuere Fata Quinctum;  
Sed Sexto rabiosa vivit uxor.

*Ad CINNAM.*

EPIGRAMMA XXIX.

**Q**ualia sint, oras, dicam, tua carmina, CINNA:  
Qualia sint, nequeo dicere, CINNA, tibi.

*Ad CIRCEM ULYSSIS socios in suos  
mutantem.*

EPIGRAMMA XXX.

**I**mproba, cur socios, CIRCE, sic vertis ULYSSIS  
Anne decet tantos forma suina viros?  
Aut nunquam formam Danaï mutare merentur;  
Aut solam formam Vulpis habere decet.

*De PHYLLIDE.*

EPIGRAMMA XXXI.

**T**hessalico PHYLLIS comebat pectine crines,  
Queis Berenicæ cedere credo comas.

Cor

Cor tentavit Amor blandæ innodare Puellæ ;  
Hæsit at implicitus PHYLLIDOS ipse comâ.

Ad PONTICUM.

EPIGRAMMA XXXII.

**Q**uidquid Romanâ (\*) Clemens decernat in aula ;  
Quidquid Roma ferat , quidquid & alter agat ;  
Quid Carolus Rheno statuât ; quæ jura Philippus  
Sanciat Hispanis ; Sarmata quæque gerat ;  
Milite quàm multo properet Lodoicus in hostes ;  
Et quibus insistat Turcica navis aquis ;  
Anglorum quò classis eat ; quo foedere sese  
Hollandi jungant : tu nova cuncta refers ;  
Et semper jactas te nil nescire : fatemur ,  
Omnia scis ; solum hoc , PONTICE , disce : Tace.

*Eminentissimo Principi,*  
JOSEPHO CARDINALI PEREIRA.

EPIGRAMMA XXXIII.

**N**ondum Roma tuos inspexerat anxia vultus ,  
Sed jam Virtutes senserat illa tuas.

Cer-

(\*) Clemens XI. quo Regnante præsens Epigramma composuit  
Author , 14. annos natus .

Cernere te Domini Colles, te Tiberidis undæ,  
Cernere Purpurei, te cupiere Patres.

Lusiacus Romæ votis Regnator adhæsit,  
Et tibi Romuleas jussit adire vias.

Exoptate venis: Virtutes Maxima Roma,  
Quas mirabatur, cæpit amare tuas.

*In imperitum MEDICUM.*

EPIGRAMMA XXXIV.

**C**Um nec sis unum doctus depellere morbum,  
Cedere posse tibi credis Aristogenem.

Sed confers eadem cuius medicamina morbo:  
Jam jam jure tibi cedit & Hippocrates.

*Ad FLORIDIANUM.*

EPIGRAMMA XXXV.

**C**Ur Doctos nihilum soleat Fortuna juvare,  
Tu me continuo, FLORIDIANE, rogas.

Hos Fortuna juvat, quibus assolet ipsa nocere;  
Extra Fortunam est, FLORIDIANE, Sophos.

*Ad* CLEANTHEM, *Zenonis præcepta*  
*in Cadaverum ossibus*  
*scribentem.*

EPIGRAMMA XXXVI.

**Q**Uæ tibi dictabat Zeno præcepta Magister,  
 Hæc vitam possunt instituisse tuam;  
 Attamen extinctis cum scribis in ossibus illa,  
 Vivere tu discis, discis & ipse mori.

*Ad* BITHYNICUM.

EPIGRAMMA XXXVII.

**C**ARMINA dum recitat Quinctus, BITHYNICE, plau-  
 Dum recitat SEXTUS vel meliora, taces. (dis;  
 Plura suo Quinctus superat patrimonia censu;  
 Sed Sextum fœda, & scissa lacerna tegit.  
 Ut puto, non versus laudas: BITHYNICE, laudas  
 Divitias: multum tu, mihi crede sapis.

*Ad ORMIRUM Promacormium F. A.  
cùm fundaretur Panormi Colonia  
Arcadum Oretæa.*

EPIGRAMMA XXXVIII.

**O** Quàm, ORMIRE, tuus te Vate superbit ORETUS,  
Discit & é plectro murmura blanda tuo!

Quin properant istuc dulci modulamine raptæ  
Collis Aventini, Turba diserta, Deæ.

Auguror: Hospitibus fueris gratissimus Hospes;  
Ac hilaris tumidis crescet Oretus aquis.

*Ad PONTICUM de NIGRINA.*

EPIGRAMMA XXXIX.

**C**UM NIGRINA domi est, vestes induta Sutrinæ  
Ancillæ, verrit, net, coquit, atque lavat:

Cùm verò vicos incedit lenta per Urbis,  
Excedit luxus tunc, Sybarita, tuos.

Quarè si faciat, perquiris, PONTICE? dicam:  
Illa foris Domina est, PONTICE; serva domi,

*Ad* ALEXANDRUM Macedonem.

EPIGRAMMA XL.

**P**ingere, ALEXANDER, poterat te solus Apelles;  
In gemma solus sculpere Pyrgoteles.

Marmore Lyfippus poterat te fingere solus;  
Sed de Te quævis scribere dextra potest.

In illum Iuvenalis versiculum:

*Quædam cum primâ refecentur  
crimina barbâ.*

*Ad* LABERIUM.

EPIGRAMMA XLI.

**I**gnosenda, puto, pueris sunt crimina quædam;  
Non ignosco tibi sed, LABERI, hæc eadem.

Cùm primâ hæc debent refecari crimina barbâ;  
Ter decies barbam, nec semel illa secas.

*De quodam Critico.*

EPIGRAMMA XLII.

**I**ntrat Aristarchus: quivis sua carmina celet;  
Ite procul Musæ, dulcis Apollo procul.

Hic mala contemnit, si sint bona carmina, livet;  
Contemptu lædit; non juvat invidiâ;

Sed juvat invidiâ: quivis sua carmina dicat;  
Non poterit livens carmina vestra pati.

*Ad NATTAM, cujus navis sale onerata  
Maris procellâ obruitur.*

## EPIGRAMMA XLIII.

**Q**Uòd tua spumosis navis submergitur undis,  
Injustum noli dicere, NATTA, Mare:  
Nempè simul vidit plenam falis ire carinam,  
Quam, repetit mercem, noverat esse suam.

*Ad CASTRICUM.*

## EPIGRAMMA XLIV.

**C**UM mihi misisses triginta, CASTRICE, fungos,  
Cur vis, me grates reddere mille tibi?

*SOLON Atheniensis Imperium Patriæ  
recusat; sed illam opportunis  
Legibus instruit.*

## EPIGRAMMA XLV.

**R**ESPUIT Imperium Patriæ; non respuit illi  
Austeras Leges instituisse SOLON.



Imperat en Patriæ, licet ille præesse recuset,  
Dum Patria acceptis Legibus obsequitur.

*Ad PONTILIANUM de AMILLO.*

EPIGRAMMA XLVI.

**P**AUPERIBUS nummos largiri vellet Amillus,  
Sed non largiri, PONTILIANE, suos,  
*Quas habeat Veneres aliena pecunia, nescis:*  
Cum Juvenale meo dicere jure potes.

*Ad GALLAM.*

EPIGRAMMA XLVII.

**Q**UOD tibi nil donem, quereris, non, GALLA, roga-  
Hoc verò nulla tu ratione facis. [tus;  
Quid donare queo tibi, quid non, GALLA, rogatus,  
Si quidquid cernis, GALLA, rogare soles?

*PERILLUS in Taurum æneum, quem ipse  
fabricaverat, conjectus est.*

EPIGRAMMA XLVIII.

**U**RITUR in Tauro, Taurum, qui struxit ahenum,  
Mugitus tollens primus ad astra suos.  
Quilibet Artifices possunt cessisse Perillo:  
Iste suum solus morte probavit opus.

*Aliud*

*Aliud.*

## EPIGRAMMA XLIX.

**C**lauditor in Tauro,quem struxerat ipse, Perillus:  
Quam fecit, verè hic incidit in foveam.

*Ad CALLISTRATUM de LIGURRA*

## EPIGRAMMA L.

**C**um cœnat Ligurra domi, CALLISTRATE, tantum  
Ille cibi, quantum nostra catella, capit;

Et semper stomachi vitium causatur; at idem  
Quando foris cœnat, fercula cuncta vorat

Ligurram vocet ad lautam, CALLISTRATE, cœnam,  
Illum, si, stomacho, quisque, valere, cupit.

*Ad JOSEPHUM filiolum meum, quinque  
dies natum Terram cum Cœlo  
commutantem.*

## EPIGRAMMA LI.

**D**eferis heu! mœstum, dulcissime Nate, Parentem,  
Postquàm luxisset vix tibi quinta dies.

Quam mihi, si meditor vitam, quam vivis Olympo,  
Vixeris ipse parùm, vixeris ipse nimis.

*Ad D. PANNUTIUM, qui, cùm ONOPHRIUM  
Eremitam reperisset, illum extimuit,  
Satyrum esse suspicatus.*

## EPIGRAMMA LII.

**P**ANNUTI, Satyrum villosò à corpore ducis,  
Quem potes Angelicum dicere jure Virum.  
Ne timeas faciem: properes, Hominemque salutes;  
Cùm fari incipiet, fat tibi notus erit.

*Ad LABIENUM.*

## EPIGRAMMA LIII.

**T**Er centena tibi donat, LABIENE, Gemellus;  
Lege sed hac, referas ut nova cuncta sibi.  
Datque tibi, LABIENE, domum; hac sed lege, fruatur  
Ut prius ille tuâ terque, quaterque domo.  
Occurris cuicumque, refers tu dona Gemelli,  
Cui vel Lucillum cedere posse, putas.  
Crede mihi, LABIENE, nimis tu falleris: ille est  
Munificus, munus qui sine lege dedit.

*Ad OTHONEM IMPERATOREM , ad Prælium  
speculum gestantem.*

EPIGRAMMA LIV.

**C**Ur speculum gestas migrans ad prælia, Princeps?  
Non Mars ista tibi, sed Venus arma dedit.

Ut puto, non hostes; ipsum vis vincere Martem;  
Hoc est, quod tecum Cypridos arma geras.

*In NÆVOLUM.*

EPIGRAMMA LV.

**C**Um tu naufragia, ærumnas, incendia, mortes  
Semper lugubri, NÆVOLE, voce fones:

Occurrit tibi, miraris, quòd nemo libenter?  
Si tot narrares gaudia, te fugerem.

*In illud Juvenalis: Parcit  
Cognatis maculis similis fera.*

*De BELLO.*

EPIGRAMMA LVI.

**U**Ndique bella fremūt; Homines céduntur ubique;  
Humano tellus sanguine tota mader.

G

Quæ

Quæ sitis hæc unquam? Belvas evincimus ipsas?  
Sævitiem tantam non didicêre feræ.

Nulla paris monstri similis fera sanguine gaudet;  
Solut at Humano sanguine gaudet Homo.

### *Ad PHILODEMUM.*

#### EPIGRAMMA LVII.

**B**ella, Duces loqueris, PHILODEME; referſque,  
Quid Carolus tentet; quid Lodoicus agat:

Quot paret Hispanus naves; ac arma Philippus;  
Quot Bellatores Anglia fortis alat.

Cui non es notus, Mavors, PHILODEME, videris;  
Sed mihi notus eras alter Aristogiton.

### *De NASICA.*

#### EPIGRAMMA LVIII.

**E** brius haud paucis versu NASICA propinat,  
Sed versu, qualis te, Ebria Musa, decet,

Hunc ne, Phœbe, velis, precor, exornare coronâ,  
Cingere quâ vaturn tempora sacra soles.

Illum cinge tuis, titubans Lenæ, recemis:  
Sint Vati tumidi digna corona botri.

*Ad*

*Ad URANIUM TEGÆUM P. A.*

EPIGRAMMA LIX.

**G**Loria Parrhasiæ , Pastor doctissime , Sylvæ ,  
Cujus ope Arcadicum nomen habere queo .

Qualiscumque , tibi debetur pagina nostra ;  
Sis nostri vindex , præsidiumque libri .

Hoc ego si mereor , tutus contemno supinas  
Aures , & ronchos , Zoile , sperno tuos .



COMITIS JO. ANTONII  
CIANTAR  
EPIGRAMMATON

L I B E R III.

Ad Insulam Melitam,  
*Sub Eminentissimo Principe F. MARCO  
ANTONIO ZONDADARIO, felicissimè  
florentem.*

EPIGRAMMA I.



Uàm benè mellifluo scribūt tibi nectare Nomē,  
Quæ ver floriferum depopulantur, apes.

Nempe apis, ipsa, micas melior: quā panditur Orbis  
Heroes relegens colligis Una sinu.

Non thyma, non violas, non Hyblæ fertilis hortos,  
Sed florem Hesperia nobilitatis habes.

Attu, qui, Princeps, regnas Heroibus Heros,  
Imperium Meritis par geris ecce tuis.

Regia laus, scepro populosam flectere plebem;  
Sed Regum populum ducere, digna Jove.

Tba-

THALES *Milesius Astra meditans in  
foveam cadit.*

EPIGRAMMA II.

**L** Abitur in foveam contemplans Sydera THALES ;  
Utque nimis videat , jam videt ille nihil ,  
Quis neget , adversis excelsa patere ruinis ?  
En tibi , qui solùm ponderat alta , ruit'.

*De PHYLLIDÒS Obitu.*

EPIGRAMMA III.

**F** Ronte humilis, fumante face, inversâque pharetrâ,  
Effractoque arcu squalidus ibat Amor .  
Vidit , & indoluit Natum Venus alma dolentem ;  
Nate , quid hic fletus , dixit , & unde venit ?  
Nec tua fax lucem , nec vulnera cogitat arcus :  
Non Amor hoc vultu , sed dolor esse potes .  
Tunc respondit Amor demissâ voce Parenti :  
Nil opus est arcu , nil face : PHYLLIS obit.



ALEXANDER MACEDO *interrogatus, ubi  
suos reconderet thesauros, apud  
Amicos, respondit.*

EPIGRAMMA IV.

**D**iscite quicumque argentum cumulatis, & aurum,  
Discite Magnanimi splendida dicta Ducis.

Thesauros condit, gazas qui donat Amicis:  
Arca horum nostras quàm benè servat opes!

Deperdi possunt, nostrâ quas claudimus arcâ,  
Quas dedimus, nobis servat Amicus opes.

*Ad* COTTAM.

EPIGRAMMA V.

**V**is inter veteres numerari, COTTA, sodales,  
Cum nec te possim dicere, COTTA, novum.

Fare, age, quod præstas unquàm mihi munus Amici?  
Quo nos officio, COTTA, juvare soles?

Sed mecum coenas, quoties te, COTTA, vocavi;  
Cum prior ipse, tibi, dixero, reddis, ave.

Munera si mittam, recipis quàm, COTTA, libenter....  
Sunt satis hæc: dotes, COTTA, Sodalıs habes.

*Ad*

## Ad CALLIODORUM.

## EPIGRAMMA VI.

**D**esertis scrobibus venisti nuper in urbem,  
Si memini, nudo, CALLIOCORE, pede.

Nunc verò lentis incedis gressibus audax,  
Teque superba tegit, CALLIOCORE, clamys.

Nunc tollis frontem, nullum dignaris honore.  
Quis te Rurigenam, CALLIOCORE, neget?

## Ad CINNAM.

## EPIGRAMMA VII.

**D**icis, quòd nunquàm placuit tibi, CINNA, Poësis:  
Haud miror: nam non cuilibet illa placet.

*Admodum Reverendo P. FRANCISCO Casti-  
glia, Melitensis Collegii Soc. Jesu  
Moderatori dignissimo.*

## EPIGRAMMA VIII.

**N**obile cum claro splendet stemmate Nomen,  
Plena, tibi, & patrias arca flagellet opes:

Commoda, & illecebras, & Avitæ Nomina Famæ  
Paupere sub cultu dissimulare cupis.

Nem-

Nempè rei melior Dominus, dum spernis; honores,  
Quos fugis in terris, certus ab Axe petis.

*Ad GALLAM*

EPIGRAMMA IX.

**V**Enundas ædem, quam mater avara reliquit,  
Ut pictâ corpus Cyclade, GALLA, tegas.

Diogenes posthâc fileat versatile tectum;  
Scis illo melius vertere, GALLA, domum.

*Aliud*

*Ad EANDEM-*

EPIGRAMMA X.

**G**ALLA, geris vestem, pretio quæ constitit ædis:  
Jam jam dicêris tu Domiporta mihi.

*In Illud Juvenalis: Sed te*

*Nos facimus, Fortuna, Deam, Cæloque  
locamus.*

*Ad FAUSTUM.*

EPIGRAMMA XI.

**C**ontinuas movet Orbe vices Fortuna, jocosque;  
Ipsaque Fortuna est non, nisi, FAUSTE, jocus.  
Non-

Non-ne jocus , cùm sit Cicero de Rhetorè Consul ?  
Non-ne jocus cùm de Consule Rhetor erat ?

Fallitur , incerto quisquis spem Numin ponit :  
Demens , est Numen , qui putat , esse jocum .

*Ad PONTICUM de LAUSO .*

EPIGRAMMA XII.

**C**Um nullam duxit Piscator , PONTICE , prædam ,  
Se varios pisces quærere , LAUSUS ait .

Quærere se dicit rhombos , mullosque bilibres ,  
Quosque magis raros cærula Tethys alit .

Cùm resonant nullis , resonant cùm compita rhom-  
Menas , & lepades , PONTICE , LAUSUS emit . (bis ,

*In BITHYNICUM*

EPIGRAMMAX XIII.

**E**T damnas elegos , & epos BITHYNICE , laudas ,  
Sed te , quæ damnas , quæ celebraſque , latent :

Sic semper cæcus laudat , BITHYNICE , lucem ;  
Monticola haud aliter despicit Oceanum :

Nunc sanè meliore sub Saturno  
 Fulget candida, Sanctiorque Virtus:  
 Dextrâ dum Pius Orbis INNOCENTI  
 Gaudet dirigi, & alma ROMA natum  
 Latatur fieri sibi Parentem.  
 Ætatem neget auream redire  
 Quis nobis, veterisque fonte rursum  
 Enasci pretiosa sæcla venæ?

*Ad NEALCEM, qui cūm spumam Equi  
 delineare arte non potuisset,  
 spongiâ in Tabulam jactâ,  
 illam casu perfecit.*

## EPIGRAMMA XVI.

**Q**Uam benè Quadrupedē pinxit tua dextra, Neal-  
 Verūm Quadrupedi cādida spuma deest. (ces!

Quid facis? Irato vibratur spongia pugno  
 In Tabulam? Multū tu, mihi crede, sapiis.

Sufficis ingenio, si non suffeceris arte:  
 Nosti, quòd spumam sapiūs Ira facit.

*Ipſa feris , ferit illa , ſed hoc diſcrimine : vulnus ,  
Quod facis ipſa , leve eſt , quod facit illa , grave :*

*Ad* **CASTRICUM.**

**EPIGRAMMA XX.**

**I** Cario ardebant ſiccæ cùm ſydere meſſes ,  
Tunc hiberna tibi , **CASTRICE** , veſtis erat ;  
Et cauſabaris lentæ modò frigora febris ,  
Et modò erat grauitas pernicioſa Poli .  
Sed poſtquam Proavus tibi millia ſena reliquit ,  
Æſtiva & madido tegmina vere geris .  
Sic febrisque , Polique abierunt frigora ? Nummiſ ,  
Credo , carere tuam , **CASTRICE** , frigus erat .

*In* **PHILOMELUM EUNUCHUM,**

**EPIGRAMMA XXI.**

**S**Æpius illuſtri jactas te ſtirpe creatum ;  
Teſte ſed ex nullo dicta ſuperba probas .  
Num caſtrant pueros clari , **PHILOMELE** ; parentes ?  
Si caſtrant , teſtes nobilitatis habes .

*Ad CLEOMBROTUM PHILOSOPHUM, qui,  
lecto Platonis libro, de Animæ  
Immortalitate, se ipsum è  
sublimis axo præcipitavit,  
ut citius ad Beatorum  
cætum perveniret.*

EPIGRAMMA XXII.

**D**um nimis affectas æternam ducere vitam,  
Æternam properas jam tibi stulte, necem.  
Descensu, credis, sedes migrare Beatas?  
Illuc quæ ducit, te via recta latet.

*Ad MUNNAM.*

EPIGRAMMA XXIII.

**I**llinc magnificas populo comitante quadrigas  
Cernis, & in medium, comptule MUNNA, ruis.  
Hinc turbæ ignotæ varios, subitosque tumultus  
Cernis, & in medium, comptule, MUNNA ruis.  
Et res eximias, & res ubicumque decoras  
Cernis; sed te quid pulchrius esse putas.  
Omnia dum cernis, dum curris ad omnia, MUNNA,  
A cunctis cerni, aut cernere, cuncta cupis?

*Ad*

*Ad TULLUM.*

## EPIGRAMMA XXIV.

**A**Udis me veterum celebrantem carmina Vatum  
Contracto, semper, TULLE, supercilio;

Quin ais: hæc nullam parient tibi carmina messẽm;  
Si laudas messẽm, TULLE, colonus habet.

*Ad XERSEM ventos, qui pontem Hellepontiacum disiecerant, verberari jubentem.*

## EPIGRAMMA XXV.

**E**rgo-ne tam multo Boream tu verberare cædis;  
Quòd fluxit rabidis pons maleficus aquis?

Non dignus flagris, pontem qui destruit; at qui  
Construxit, solus verberare dignus erat.

Aliud

*Ad EUNDEM.*

## EPIGRAMMA XXVI.

**D**Ux malefane, leves plectis dum verberare ventos,  
Est cervis illis non-ne tibi levior?

*In*



## In GELLIAM.

## EPIGRAMMA XXVII.

**C**Ūm Messalinâ tu sis lascivior ipsâ ,  
Et sis, quàm Zoë Luxuriosa magis :

Vis nobis teneræ frontis , vis casta videri ,  
Matronæ vultus subsimulans Latię .

Fingere quid mores prodest ? Vis, GELLIA, dicam ?  
Tu vera es Thais, fictaque Penelopë .

*Ad HERACLITUM, & DEMOCRITUM.*

## EPIGRAMMA XXVIII.

**N**On ego te damno , reple qui fletibus ora ;  
Nempè sumus miseri, quotquot in Orbe sumus.

Nec te contemno , gaudes qui sæpè cachinnis ,  
Nam risum , quidquid volvitur orbe , ciet .

Vita hominum lacrymis est digna, est digna cachinnis ;  
Eligit hic risus , elicit hic lacrymas .

*Ad PONTICUM de GALLA.*

## EPIGRAMMA XXIX:

**U**T cretata timet solis Nigrina calorem ,  
Putida sic risum , PONTICE , GALLA fugit .

Qua-

Quatuor, aut quinque huic empro sunt, PONTICE, dentes;  
 Cùm nimium ridet conspuat ipsa duos.

Si sapias, evites ridentem, PONTICE, GALLAM,  
 Non secus à dura grandine tutus eris.

In CINNAM.

EPIGRAMMA XXX.

CINNA, paracta tibi jam bis trigesima messis  
 Cùm sit, teque probet candida barba senem:

Credis, te primam semper florere juventam,  
 Quæque decent pueros, teque decere putas.

Te res una decet, pueris quæ convenit: hæc est,  
 Ut possit Tutor vel tibi, CINNA, dari.

*Ad MENECRATEM MEDICUM, qui mercedis  
 vice ab Ægrotis exigebat, ut eum  
 Jovem, ac Dominum vocarent.*

EPIGRAMMA XXXI.

ARTE Machoniâ quamvis tua gloria crescat,  
 Ipse afferre tibi pharmaca sana volo:

Edunt Anticyræ quædam medicamina montes;  
 Crede mihi, hæc cerebro sunt nimis apta tuo.

*In* TALIIARCHUM .

## EPIGRAMMA XXXII.

**S** Ciste de Scythicis, TALIIARCHE, parentibus ortum,  
Scis illos nigro pane levare famem .

Qui tamen hæc nescit, clarâ te gente creatum  
Credet ; ne placeas hinc, TALIIARCHE , tibi :

Ingenuos de fronte negas, TALIIARCHE , parentes ,  
Nec benè progenitum moribus esse probas .

At modò , quod non es, curas, TALIIARCHE , videri ;  
Et cùm sis minimus , maximus esse cupis .

*Ad* THEOPOMPUM .

## EPIGRAMMA XXXIII.

**C** onflictus loqueris sæper, THEOPOMPE, Ducesque ,  
Osque tuum tantùm bella , tubasque sonat .

An sis intrepidus , non audeo quærere , miles ;  
Hoc scio : dat coniux verbera sæpè tibi .

MONIMA Uxor MITHRIDATIS *proprio*  
*Diadematè se suspendit .*

## EPIGRAMMA XXXIV.

**G** emmatum torquet Regalia guttura sertum ,  
Sertum , quod gaudet funis habere vices ,  
Quàm

Quám sit vera , patet , Tusci sententia Vatis ,  
Fortunæ , dixit , munera , qui laqueos .

*Ad PHILOMUSUM .*

EPIGRAMMA XXXV.

**Q**uid proavos , atavosque tuos , PHILOMUSE , renarras ,  
Sanguinis atque adeò nobilitate tumes ?

Illi , nemo negat , clari , PHILOMUSE , fuere ;  
Sed conferri illis tu , PHILOMUSE , nequis .

*In illud Senecæ : Sapienti Viro omnis  
locus patria est .*

*Ad NEVOLUM .*

EPIGRAMMA XXXVI.

**P**atria cuique sua est , sed multis Patria tantùm  
Est natale solum , ac tecta paterna placent .

Patria cuique sua est , non paucis patria verò  
Est quodcumque solum , & quælibet ora placet .

Illorum minor est , istorum patria major :  
Hanc illi præfert , NEVOLE , qui cor habet .

*In LAUSUM.*

EPIGRAMMA XXXVII.

**C**ontemnis Romam, laudat quam Gallus, & An-  
 Cùm sit Brundisium patria, LAVSE, tibi. (glus,  
 Mirantur plures, cupiuntque ediscere causam;  
 At non miror ego, me neque causa latet.  
 Nascitur in fœda turpis quæ, rana, palude.  
 Non-ne hæc vel magnum sperneret Oceanum?

*In POSTHUMUM.*

EPIGRAMMA XXXVIII.

**C**arina cum recites aliena, ut Psittacus alter:  
 Non placet hoc, inquis, displicet hoc etiam:  
 Hac ratione nequis jam dici, POSTHUME, censor;  
 Majori mimus, POSTHUME, laude fores.

*Ad QUARINTUM Bolinæum P. A.*

*De eruditissimo ejus Libro.*

EPIGRAMMA XXXIX:

(\*) **Q**uod justos laudas Reges, QUARINTE, Ducesque,  
 Ritè mihi Themidos diceris æquus amans:  
 Tàm

Tám benè(\*)quòd Natos informas,atque Parentes  
Solliciti Patris perficis officium .

Rebus in adversis(\*)quòd consolaris Amicum;  
Demonstras Animi roborâ firma tui.

(\*)Quòd suades , charâ quemvis Virtute nitere ,  
Virtutis meritò crederis esse sequax .

(\*)Quòd nimiis vitiis populosas ingemis Urbes ;  
Vellet te civem Urbs quælibet esse suum .

Laudibus in Cœlum veros [\*]quòd tollis Amicos,  
Jâm cuivis notus verus Amicus eris .

Sed quòd tam varia , & quòd tam subtilia tractas ,  
Arcadiæ , & Melites te , reor , esse Decus .

(\*) *Sex ejusdem Libri argumenta .*

## *De TULLO .*

### EPIGRAMMA XL:

**S**cribere scit solùm TULLUS sermone soluto ,  
Scire tamen sese carmina quæque putat .

Si poscas elegos , spondet ; si Epigrammata quæras ,  
Offert ; at tantùm verba soluta leges .

Inclÿta Idumææ fileant miracula Mannæ ;  
Prosa etenim TULLI , quod cupit ille , sapit .

*ZEUXIS Anum à se pictam sine fine  
ridens emoritur.*

EPIGRAMMA XLI.

**C**Um Vetulam mirâ ZEUXIS depinxerat arte,  
Post risus animam fudit ab ore suam.

Quis tanti Artificis mirari desinat artem,  
Quæ dum tam placuit, displicuisse potest?

*Aliud*

*Ad EUNDEM.*

EPIGRAMMA XLII.

**Q**Uam benè viventem Vetulam tua dextra colo-  
Quis vivam neget hanc esse? necare potest. (rat.

*Aliud*

*Ad EUNDEM.*

EPIGRAMMA XLIII.

**D**As vitam Vetulæ, Vetulam cùm, ZEUXIS, adum  
Hæc tibi pro vita reddit iniqua necem. [bras-

*Aliud*

*Aliud*

*Ad EUNDEM.*

EPIGRAMMA XLIV.

**D**lcere jure potes migrans ad Tartara, ZEUXIS,  
Heu! patior telis vulnera facta meis.

*Ad CASTRICUM de Nasica.*

EPIGRAMMA XLV.

**P**Rædia quòd Nasica det, & det, CASTRICI, fundos,  
Cum nec habet fundos, prædia cum nec habet,  
Miraris? parithaud talis mihi causa stuporem;  
Quòd non det ficos, CASTRICE, miror ego.

*Ad SEXTILIANUM.*

EPIGRAMMA XLVI.

**T**U me sæpè mones, nullos ut carmine pungam;  
Sed celebrem claros, SEXTILIANE, viros.  
Et laudo claros; vitiosos pungo virosque:  
Clam pungo: laudo, SEXTILIANE, palàm.



*Admodum Reverendo P. FRANCISCO Casti-  
glia, Melitensis Collegii Soc. Jesu  
Moderatori dignissimo.*

EPIGRAMMA XLVII.

**C**UM, FRANCISCE, tuas Animi benè pondero dotes,  
Vis, dicam, qualis crederis esse mihi?

Qualis erat, Latio cùm, Tullius, ore tonaret;  
Qualis erat scribens, Carmina Virgilius;

Qualis erat Scotus, posita argumenta refellens;  
Qualis Aristoteles, cùm docuisset, erat.

Cùm tamen illorum par sis, FRANCISCE, cuivis,  
Illorùm dici par tibi nemo potest.

*Ad SISINNIUM Monachum, qui in Sepul-  
chro se inclusit, in quo vixit ad  
mortem usque.*

EPIGRAMMA XLVIII.

**T**OLLE Sepulchrali vivam de marmore frontem,  
Et nos vivendi dogmata vera doce:

Semper enim vivit, mortem qui ponderat; atqui  
Expendisse negat, continuo moritur.

*Aliud*

*Aliud*

*Ad EUNDEM.*

EPIGRAMMA XLIX.

**C**lauderis in tumulto , cùm nondum lumina clau-  
Et vivis moriens, vivus & ipse peris . ( das;

*Ad PHILOMUSUM .*

EPIGRAMMA L.

**U**Rbanum quoties viso , , PHILOMUSE , Lupercum ,  
Qui trahit à prisca nobilitate genus :

Mandat honoratâ mox me confidere fellâ ;  
Ac egressuro fit comes exterior.

At cùm te viso , Romam, PHILOMUSE , carinâ  
Vectum , quâ vinum vênit ab Ænaria :

Excipis elatus stantem me fronte relectâ ,  
Et discedenti respuis esse comes.

Jam , PHILOMUSE , vale : visat te quilibet alter :  
Nam posthâc fastum visere nolo tuum .

**DIOGENES CYNICUS** *interroganti cuiquam,*  
*quodnam gravius onus Terra susti-*  
*neret, Indoctum hominem,*  
*respondit.*

EPIGRAMMA LI.

**N**Ullius Indoctos credebam ponderis esse;  
 Hos CYNICUS magni ponderis esse docet.

Nullum majus onus, quàm quod quis sustinet ægrè;  
 Sed Terram Indoctos sustinuisse piger.

*Ad NASIDIENUM.*

EPIGRAMMA LII.

**M**Utua mille peto, dare te bis mille libenter  
 Dicis: at usuram, NASIDIENE, petis.

Sunt mihi mille fatis, capiam sed millia dena,  
 Si nunquàm nummos, NASIDIENE, petas.

*Ad TUCCAM*

EPIGRAMMA LIII.

**C**Um narres aliquid, facilem nec vocibus aurem,  
 TUCCA, tuis præstem, mox queribundus abis;

Jam-

Jàmque viros credis me, TUCCA, odisse loquentes,  
Et tantùm muto me Morione frui.

Falleris: haud paucos nàmque audio, TUCCA, libenter;  
Verba placent mihi, sed non tua verba placent.

*Ad CALLISTRATUM de Lupo.*

EPIGRAMMA LIV.

**I**llustri de stirpe Lupum, CALLISTRATE, natum  
Dicebant plures: non mihi talis erat.

Obscurâ de gente fatum, CALLISTRATE, dicis;  
Nunc ego stirpe fatum nobiliore puto.

*HELIOGABALUS convivas rosas opprimit.*

EPIGRAMMA LV.

**A**mpliùs haud jactet lethale cicuta venenum,  
Ipsæ afferre necem si didicêre Rosæ,

*Ad TULLIUM.*

EPIGRAMMA LVI.

**Q**uàm fueras mitis, nummis cùm, TULLE, carebas!  
Sed nunc dives opum, TULLE, superba sapis.

Non facis hoc bellè; debes modò mitior esse:  
Divitiis turget, TULLE, pusillus homo.

*AGIS Lacedæmoniorum Rex bellum  
petens gregarii militis veste  
tegitur.*

EPIGRAMMA LVII.

**N**on clarum galeæ jubar,  
Non ensis radians, non clypei nitor,

Non auro rutilans clamys;  
Te verò fagulum contegit asperum,

Quo vestire solet fera  
Sese Belligerum turba per agmina:

Sed frustrà fagulum tegit  
Te, quem ter celebris dextera detegit.

*Ad FAUSTUM*

*De GRÆCIS.*

EPIGRAMMA LVIII.

**N**on possum, clamat Juvenalis, ferre *Quirites*  
*Græcam Urbem*: ut GRÆCOS omnia nosse putet:

Alter ait: *timeo Danaos, et dona ferentes*;  
Ergò cui GRÆCO fidere, FAUSTE, potes?

*Ad*

## Ad CALOCISSUM .

## EPIGRAMMA LIX.

**N** Il præter Scyllam loqueris, sociâque Charybdin,  
Ac Ætnam præter nil tua verba sonant .

Enceladum memoras, memoras, CALOCISSE, Cyclopa;  
Et Lernæa tibi non minùs Hydra placet .

Cur ampullaris verbis , CALOCISSE , sonoris ?  
Fors melior tubicen sic , CALOCISSE , fores :

*Ad ATHENIENSES, qui Evagoram  
interfecerunt, quòd Alexan-  
drum M. adorasset .*

## EPIGRAMMA LX.

**E** Vagoram lethi pœnâ mulctatis , Athenæ ,  
Quòd dedit Æmathio thura Sabæa Duci .

Erratis magis ipsi , & vobis debita pœna est ,  
Reditis ignoto quòd pia thura Deo .

Evagoram Juvenis Pellæi bellica virtus  
Decipit ; at nescit , quem colit , ille Deum .

Aliud  
De EVAGORA.

## EPIGRAMMA LXI.

**P**ellæi Juvenis perpendens fortia facta  
EVAGORAS, Belli hunc credidit esse Deum.

*Ad ZOILUM.*

## EPIGRAMMA LXII.

**S**i tibi displicuit, nos hunc scripsisse libellum,  
Ne precor, attollas grande supercilium;  
Sed fac, ut quoque displiceant tua carmina nobis:  
Æqualem nostro, ZOILE, scribe librum.

Pro restituta salute

*Einentissimi Principis*

FR. MARCI ANTONII ZONDADARII

*Magni Hierosolymitani Ordinis**Magistri &c.*

## EPIGRAMMA LXIII.

**T**erge, Astræa, genas; Pietas compone dolores;  
Majestas grandi sceptrum resume manu.

Ille DUCUM PRINCEPS, Virtutum Gloria MARCUS,  
Quem quasi de Terris abstulit atra dies,

Vi-

Vivit; quin Major de Morte revertitur Heros,  
Ut Cœlum referat, quod propè jam tenuit .

Gratulor . Oh quantum Latio conceditur Orbi !  
In plausum ancipites utque abiere metus !

Maſte animis, PRINCEPS . Meritis tibi protrahis ævum,  
Vita Tua eſt Summi maxima cura Jovis .



## INDEX LEMMATUM

*Ex Primo Libro.*

- E** *Pigramma I. Eminentissimo Melita Principi, F. MARCO ANTONIO ZONDADAXIO, Magno Hierosolymitani Ordinis Magistro* Pag. I
- II. *Ad Lectorem.* II
- III. *Ad Alexandrum Macedonem ad Achillis tumulum lacrymantem.* ibid.
- IV. *Ad Linum de Insula Melita.* III
- V. *Ad Theopompum graphycè incedentem.* ibid.
- VI. *In Cinnam superciliosum.* IV
- VII. *Ad Philomusum Grammaticum.* ibid.
- VIII. *In Funere Thyrsidis Leucastii P. A.* V
- IX. *Ad Olum negotiosum.* ibid.
- X. *Ad Navolum exigua munera mittentem.* VI
- XI. *Aschylus Poëta à Testudine ex Aquila unguibus decidente occiditur.* ibid.
- XII. *Ad Ponticum de Equa Sardonia à Ruffino emptā* VII
- XIII. *De cerea mortis effigie.* ibid.
- XIV. *Esau lentis edulio primogenita, Lyfimachus frigida haustu Regnum vendidit.* ibid.
- XV. *Ad Labienum de Lauso suspirioso.* VIII
- XVI. *In illud Juvenalis . . . . . Alea turpis, Turpe & adulterium mediocribus, hæc tamen illi Omnia cùm faciant bilares, nitidique vocantur.* ibid.
- XVII. *In Possibulum Juris-Consultum.* IX
- XVIII. *De uva à Zeuxide depicta.* ibid.
- XIX. *Ad Aulum Juris-Coniutum.* X
- XX. *Ad Cinnam nunquam salutantem.* ibid.
- XXI. *Ad Fabullum mendacissimum.* ibid.
- XXII. *De Euricleo Tontinio P. A.* XI
- XXIII. *Ad Charamonem de ejus patria.* ibid.

*Ad*

- XXIV. *Ad Munnam, Principibus Viris se gratum esse jactantem.* XII
- XXV. *Alcmanus Poëta Lyricus, qui primus cantilenas amatorias invenit, phibiscus mortuus est.* *ibid.*
- XXVI. *Aliud.* *ibid.*
- XXVII. *Ad Ponticum gulosum.* XIII
- XXVIII. *Ad Cotilum mæchos defendentem.* *ibid.*
- XXIX. *De Hemocrate, qui moriens se sibi heredem testamento stripfit.* *ibid.*
- XXX. *In Philomusum Dignitate nondum obtenta superbientem.* XIV
- XXXI. *Ad Marcellum de Codro futura narrante.* *ibid.*
- XXXII. *Ad Marbonem Chymicum.* *ibid.*
- XXXIII. *Ad Sextilianum de Bitbynico multis armis accincto.* XV
- XXXIV. *In Cinnam maledicum.* *ibid.*
- XXXV. *Ad Tullum, uxorem ducere cupientem.* XVI
- XXXVI. *In illum Juvenalis versiculum:*  
*Græculus esuriens in Cœlum, jussis, ibit.* *ibid.*
- XXXVII. *In Fortunam.* *ibid.*
- XXXVIII. *Ad Milites Cartaginienses abscissis Mulierum crinibus arcus tendentes.* XVII
- XXXIX. *Ad Philodemum mendicum.* *ibid.*
- XL. *Ad Lupercum veste antiqua se induentem.* *ibid.*
- XLI. *Ad Nevolum de Cinna heredipeta.* XVIII
- XLII. *Iovis Simulacrum à Phidia inchoatum fulmineo ictu perficitur.* *ibid.*
- XLIII. *Ad Calocissum incongruenter loquentem.* XIX
- XLIV. *Ad Faustinum, cur plures insectetur Author, petentem.* *ibid.*
- XLV. *Ad Demosthenem ex calamo venenum haurientem.* *ibid.*
- XLVI. *Aliud ad Eundem.* XX
- XLVII. *Aliud ad Eundem.* *ibid.*
- XLVIII. *Ad Philomusum Poëseos contemptorem.* *ibid.*
- XLIX. *Ad Herostratem, cum Diana Ephesina Templum incendere.* XXI
- L. *Ad Callistratum Pauperes indoctos esse putantem.* *ibid.*

- LI. *Ad Fauſtum de Nigrina hominum aſpectum vitante .* *ibid.*  
 LII. *Alexander Magnus, & Diogenes Cynicus eodem anno, eodemque die vitam cum morte commutare .* *xxii*  
 LIII. *Ad Poſthumum alienas laudes agrè ferentem .* *ibid.*  
 LIV. *Ad Ligurinum damnantem Crispinum diſſicha facientem .* *xxiii*  
 LV. *De Phyllide minimè amante .* *ibid.*  
 LVI. *Ad Callidorum rudem Tonforem .* *ibid.*  
 LVII. *Ad Sortem .* *xxiv*  
 LVIII. *Ad Philetam Coum Elegiographum , qui fuit corpore tam tenui , ut plantis ſuis plumbum adhiberet , ne ventorum ſtatu raperetur .* *ibid.*  
 LIX. *Ad Alpheſibæum Carium Cuſtodem Arcadiæ , ſomnium ab Uranio Tegæ in Arcadum conſeſſu narratum , eleganti ecloga interpretantem .* *ibid.*  
 LX. *In illum Iuvenalis verſiculum :*  
     Orandum eſt , ut ſit mens ſana in corpore ſano . *xxv*  
 LXI. *Ad Biſthynicum , ſuavia ſercula ſe comediffe jaſtantem .* *ibid.*  
 LXII. *De Aulo invido .* *xxvi*  
 LXIII. *Ad Librum .* *ibid.*

## *Ex Libro Secundo.*

- E** *Pigr. I. Ad Eminentiffimum Principem F. Marcum Antonium Zondadarium , Melitæ liſſora novo portu ad exonerandarum navium commodum ampliari curantem .* *xxvii*  
 II. *Ad Cinnam , Leſtorem faſtidioſum .* *xxviii*  
 III. *Admodùm Reverendo P. Auguſtino à Lucano Ordinis , quem vocant , Capuccinorum , Concionatori eximio .* *ibid.*  
 IV. *Ad Carolum V. Horologium in annulo geſtantem .* *xxix*  
 V. *Ad Pontilianum Principis Viri epistoſas ſibi ſcriptas jaſtantem .* *ibid.*  
 VI. *Ad Quintiam formoſam , & pudicam .* *xxx*  
 VII. *Ad Crispum de Amillo verſus ſcribente .* *ibid.*  
 VIII. *Ad Cleopatram aſpidibus corpori admotis ſe interſcientem .* *ibid.*

*Ad*

- IX. *Ad Faustum de Lupo Concionantis verba scribente.* xxxi  
 X. *Ad Cotilum parcum.* ibid.  
 XI. *Ad Euricleum Tontinium P.A. Cùm Romam rediissem.* xxxii  
 XII. *In illud Iuvenalis: Se iudice nemo nocens absolvitur.* ibid.  
 XIII. *Ad Tonticum de Lauso Urbem, in qua moratur, spernentem.* xxxiii  
 XIV. *Andabates Gladiatores clausis oculis dimicabant.* ibid.  
 XV. *Ad Ligurinum felicem, & tristem.* ibid.  
 XVI. *Ad Sextum Poëtam magis fortunatum, quàm ingeniosum.* xxxiv  
 XVII. *In Funere P. Aloysii Vuzzini Soc. Iesu, Morum integritate Insignis.* ibid.  
 XVIII. *In Castricum maledicum.* xxxv  
 XIX. *Ad Anacreontem Poëtam passè uva acino suffocatum.* ibid.  
 XX. *Aliud ad Eundem.* xxxvi  
 XXI. *Ad Gelliam forina studiosam.* ibid.  
 XXII. *Ad Faustum nihil sponte donantem.* ibid.  
 XXIII. *In illud Iuvenalis: Mors sola fatetur, quantula sint hominum corpuscula.* xxxvii  
 XXIV. *Ad Nigrinum molestum convivatorem.* ibid.  
 XXV. *Ad N. & N. N. fratres inuicem charos.* ibid.  
 XXVI. *Ad Galilaum Telescopii inventorem, cecum emortuum.* xxxviii  
 XXVII. *Aliud ad Eundem.* ibid.  
 XXVIII. *Ad Sabellum de gemitu quorundam Coniugum casu.* ibid.  
 XXIX. *Ad Cinnam, de suis carminibus iudicium Authoris petentem.* xxxix  
 XXX. *Ad Circem Vlyssis socios in suos mutantem.* ibid.  
 XXXI. *De Pbyllide comam petente.* ibid.  
 XXXII. *Ad Ponticum loquacissimum.* xl  
 XXXIII. *Eminentissimo Principi, Iosepho Cardinali Pereira.* ibid  
 XXXIV. *In imperitum Medicum.* xli  
 XXXV. *Ad Floridianum, cur Fortuna Doctis aduersetur, petentem.* ibid.  
 XXXVI. *Ad Cleanthem Zenonis præcepta in cadaverum offi-*

bus scribentem .

xlii

XXXVII. Ad Bithynicum cujusdam diuitis Poëta carminibus  
plaudentem .

ibid.

XXXVIII. Ad Ormirum Promacormium P. A. cum fundare-  
tur Panormi Colonia Arcadum Oretaa .

xliii

XXXIX. Ad Ponticum de Nigrina domi incompta, foris com-  
ptulè vestita

ibid.

XL. Ad Alexandrum Macedonem , qui à solo Apelle pingi ,  
à solo Pyrgotele in gemma sculpi , & ab uno Lyfippo  
effingi volebat .

xliv

XLI. In illum Iuvenalis versiculum :

Quædam cum prima refecentur crimina barba .

ibid.

XLII. De quodam Critico .

ibid.

XLIII. Ad Nattam , cujus navis sale onerata maris procel-  
la obruitur .

xlv

XLIV. Ad Castricum exigua munera donantem .

ibid.

XLV. Solon Atheniensis imperium Patria recusat , sed illam  
opportunis Legibus instruit .

ibid.

XLVI. Ad Pontilianum de Amillo nummos alienos Pauperi-  
bus largiri cupiente .

xlvi

XLVII. Ad Gallam spontanea munera expetentem .

ibid.

XLVIII. Perillus in Taurum aneum , quem ipse fabricaverat ,  
confectus est .

ibid.

XLIX. Aliud .

xlvii

L. Ad Callistratum de Ligurra conviva guloso .

ibid.

LI. Ad Iosephum filiolum meum , quinquè dies natum Ter-  
ram cum Cælo commutantem .

ibid.

LII. Ad D. Pannutium , qui , quàm Onophrium Eremitam ,  
reperisset , illum extimuit , Satyrum esse suspicatus .

xlviii

LIII. Ad Labienum , munificentiam cujusdam celebrantem .

ibid.

LIV. Ad Othonem Imperatorem , ad prælium speculum ge-  
stantem .

xlix

LV. Ad Nevolum tristitia semper narrantem .

ibid.

LVI. In illud Iuvenalis: Parcit cognatis maculis similis fera.

ibid.

LVII. Ad Philodemum , Bella commemorantem .

l

LVIII. De Nasca Amicis vina carminibus propinante .

ibid.

LIX. Ad Uranium Tegaum P. A.

li

Ex

# Ex Libro Tertio.

- E** *Pigr. I. Ad Insulam Melitam sub Eminentiss. Principe Fr. Marco Antonio Zondadario felicissimè florentem.* llii.
- II. *Thales Milesius Astra meditans in foveam cadit.* llii.
- III. *De obitu Phyllidos.* ibid.
- IV. *Alexander Macedo interrogatus, ubi suos reconderet thesauros, apud Amicos, respondit.* liv.
- V. *Ad Cottam inutilem Amicum.* ibid.
- VI. *Ad Calliodorum Rurigenam.* lv.
- VII. *Ad Cinnam Poëseos contemptorem.* ibid.
- VIII. *Admodum Reverendo P. Francisco Castiglia, Melitenensis Collegii Soc. Jesu Moderatori dignissimo.* ibid.
- IX. *Ad Gallam, quæ domum vendidit, ut vestem emeret.* lvi.
- X. *Aliud ad Eandem.* ibid.
- XI. *In Illud Juvenalis: Sed te nos facimus, Fortuna, Deam, Cœloque locamus.* ibid.
- XII. *Ad Ponticum de Lauso emptore magnifico.* lvii.
- XIII. *In Bisbynicum imperitum carminum censorem.* ibid.
- XIV. *In Assumptione ad Pontificatum Innocentii XIII. P. M.* lviii.
- XV. *Aliud.* ibid.
- XVI. *Ad Nealcem, qui cùm spumam equi delineare arte non potuisset, spongiâ in Tabulam jactâ, illam casu perfecit,* lix.
- XVII. *Aliud ad Eundem.* lx.
- XVIII. *Ad Nevolum de Fusco variorum librorum pluteos ostentante.* ibid.
- XIX. *Ad Fulviam Marci Antonii Uxorem, extincti Ciceronis linguam acupungentem.* ibid.
- XX. *Ad Castricum, Caniculâ effervescente, hybernâ veste indutum.* lxi.
- XXI. *In Philomelum Eunuchum.* ibid.
- XXII. *Ad Cleombrotum Philosophum, qui lecto Platonis libro, de Animæ immortalitate se ipsum è sublimi saxo præcipitavit, ut citiùs ad Beatorum cætum perveniret.* lxii.
- XXIII. *Ad Munnam comptulè vestitum.* ibid.
- XXIV. *Ad Tullum carmina fastidientem.* lxiii.

- XXV. *Ad Xersem ventos, qui pontem Hellepontiacum dissecerant, verberari iubentem.* *ibid.*
- XXVI. *Aliud ad Eundem.* *ibid.*
- XXVII. *In Gelliam mores subsimulantem.* *LXIV.*
- XXVIII. *Ad Heraclitum, & Democritum.* *ibid.*
- XXIX. *Ad Ponticum de Galla factitios dentes expuente.* *ibid.*
- XXX. *In Cinnam senem atate; moribus puerum.* *LXV.*
- XXXI. *Ad Menecratem Medicum, qui mercedis vice ab agrotis exigebat, ut eum Jovem, ac Dominum vocarent.* *ibid.*
- XXXII. *In Taliarchum superbum.* *LXVI.*
- XXXIII. *Ad Theopompum ab uxore saepe verberatum.* *ibid.*
- XXXIV. *Monima Uxor Mithridatis proprio Diademate se suspendit.* *ibid.*
- XXXV. *Ad Philomusum avitæ nobilitatis iactatorem.* *LXVII.*
- XXXVI. *In illud Senecæ: Sapienti Viro omnis locus patria est.* *ibid.*
- XXXVII. *In Lausum Urbis contemptorem.* *LXVIII.*
- XXXVIII. *In Posthumum imperitum Censorem.* *ibid.*
- XXXIX. *Ad Quarintum Bolinæum P.A. de eruditissimo ejus Libro.* *ibid.*
- XL. *De Tullo profam pro versibus scribente.* *LXIX.*
- XLI. *Zeuxis Anum à se pictam sine fine ridens emoritur.* *LXX.*
- XLII. *Aliud ad Eundem.* *ibid.*
- XLIII. *Aliud ad Eundem.* *LXXI.*
- XLIV. *Aliud ad Eundem.* *ibid.*
- XLV. *Ad Castricum de Nasica fisco.* *ibid.*
- XLVI. *Ad Sextilianum, cum Auctorem moneret, ut nullum carminibus pungeret.* *ibid.*
- XLVII. *Admodum Reverendo P. Francisco Castiglia, Collegii Melitenfis Soc. Jesu Moderatori dignissimo.* *LXXII.*
- XLVIII. *Ad Sisinnium Monachum, qui in sepulchro se inclusit, in quo vixit ad mortem usque.* *ibid.*
- XLIX. *Aliud ad Eundem.* *LXXIII.*
- L. *Ad Philomusum inurbanum.* *ibid.*
- LI. *Diogenes Cynicus interroganti cuiquam, quodnam gravius onus Terra sustineret, indoctum hominem, resp.* *ibid.*

*spondit.*

LXXIV.

LIII. <i>Ad Nasidienum faeneratorem.</i>	<i>ibid.</i>
LIII. <i>Ad Tuccam molestum confabulatorem.</i>	<i>ibid.</i>
LIV. <i>Ad Callistratum mendacissimum.</i>	LXXV.
LV. <i>Heliogabalus convivas rosis opprimit.</i>	<i>ibid.</i>
LVI. <i>Ad Tullum Divitiis superbientem.</i>	<i>ibid.</i>
LVII. <i>Agis Lacedæmoniorum Rex bellum petens gregarii militis veste tegitur.</i>	LXXVI.
LVIII. <i>Ad Faustum de Græcis.</i>	<i>ibid.</i>
LIX. <i>Ad Calocissum peregrina verba affectantem.</i>	LXXVII.
LX. <i>Ad Athenienses, qui Evagoram interfecerunt, quod Alexandrum M. adorasset.</i>	<i>ibid.</i>
LXI. <i>Aliud de Evagora.</i>	LXXVIII.
LXII. <i>Ad Zuilum.</i>	<i>ibid.</i>
LXIII. <i>Pro restituta salute Eminentissimi Principis Fr. Marci Antonii Zondadarii, Magni Hierosolymitani Ordinis Magistri &amp;c.</i>	<i>ibid.</i>



## INDEX RERUM.

## A

- Æ** *Matheus. Macedo* Pag. LXXXVII  
*Ænaria. Insula in sinu Puteolano, sic dicta à statione navium Æneæ: vulgò Ischia* LXXIII
- Æschylus Poëta Tragicus à Testudine ex Aquilæ ungibus decedente occiditur.* vi
- Agis Lacedæmoniorum Rex bellum petens gregarii militis veste tegitur.* LXXVI
- Agoracritus. Excellens statuarius, Pbidiæ discipulus, cujus opus fuisse dicitur Rhamnusiæ Veneris Simulacrum, cui injustè ab imperito Vulgo prælata fuit Venus ab Alcamene ejus condiscipulo, ac æmulo efformata.* XXXIV
- Alcmenes. Vide Agoracritus.*
- Alcinous. Phæacum Rex in Corcyra Insula (Corfù) qui prælautè convivebatur.* XXXVII
- Alcmanus. Poëta Lyricus, qui primus amatorias cantilenas invenit. Pbthificus mortuus est.* XII
- Alexander Macedo. Adoratur ab Evagora. LXXXVII.*  
*A solo Apelle pingi, ab uno Lysippo fingi, à solo Pyrgotele in gemmis sculpi volebat, XLIV. Interrogatus, ubi suos reconderet thesauros, apud Amicos, respondit LIV. Lacrymatur ad Achillis tumultum II. Obiit eodem anno, ac die, quo Diogenes Cynicus.* XXII
- Alphesibœus Carius, Io. Marius Crescimbenus Maceratanfis, Archipresbyter Basilicæ S. Mariæ in Cos-*

- Cosmedin de Urbe, Arcadiae Custos.* xxiv
- Aluta. Pellis agnina.* xix
- Amatorię cantilena. Vide Alcmanus.* xxxv
- Anacreon Poëta passę urę acino suffocatur.* xxxv
- Andabates Gladiatores clausis oculis dimicabant.* xxxiii
- Annibal venenum in annulo gestabat.* xxix
- Anticyra. Duas Anticyras commonstrat strab. lib. Geogr. 9. quarum una sita sit post Crissam oppidum, altera ad Sinum Maliacum, & Oetam montem. In illarum montibus copiosę nascitur Helleborum album, insaniam purgans.* lxv
- Apelles solus Alexandrum M. pingere poterat.* xli
- Archilocus: Poëta mordacissimus, Iambici carminis inventor, qui Lycamben aded virulentis versibus insectatus est, ut laqueo sibi vitam eripuerit.* xv
- Archimedes. Mathematicus Syracusanus.* ix
- Aristarchus. Grammaticus Homeri versuum censor acerrimus. Pro quodam Critico hic ponitur.* xli
- Aristogenes. Medicus excellentissimus, qui floruit Antigoni Macedonum Regis temporibus.* xli
- Aristogiton. Civis Atheniensis, qui semper de bellis loquebatur; sed cum die quadam intellexisset exercitum parari, & convocari milites, crus obligavit, claudicatem simulans; unde adagium: Aristogiton claudicat.*
- Arpingcharte. Orationes Tullianę. Arpinum est Italiae oppidum, Ciceronis patria.* ix
- Athenienses Evagoram interfecerunt, quod Alexandrum M. adorasset.* lxxvii
- Atridę. Agamemnon, & Menelaus Atrei Mycenarum*

rum Regis filii .

xxxviii

*Aventinus . Mons Romanus , in quem Pastores Arcades sua poemata recitaturi congregabantur .*

xi

*Augustinus à Lucano, Ordinis, quem vocant, Capucinorum, Concionator eximius, laudatur .*

xxviii

## B

**B** Aldus . )  
 Barbosa . ) *Iurisconsulti notissimi .*  
 Bartolus . )

x

ix

ibid.

*Berenice . Ptolomei Philadelphi , & Arsinoës filia ,  
 cujus comam è Templo Veneris ereptam inter  
 Astra collocatam fuisse dixit Conon Mathematicus .*

xxxix

*Bians Prieneus , unus ex septem Græciæ Sapientibus,  
 captâ patriâ , interrogantibus eum, cur ex bonis  
 suis solus nihil secum ferret, respondit : Omnia  
 bona mea mecum porto .*

xiii

*Brundisium . Urbs Calabria ad mare Adriaticum,  
 sita , vulgò , Brindisi .*

lxviii

## C

**C** Antilena amatorie . Vide Alcmanus .

*Carolus V. horologium in annulo gestabat .*

xxix

*Cartaginenses milites abscissis mulierum crinibus arcus tendebant .*

xvii

*Castiglia P. Franciscus Panormitanus , Rector Melitenensis Collegii Soc. Iesu , laudatur :*

lv, &amp; lxxii

*Cato . Censor Romanus , severa Vir probitatis .*

iv

Ce-

*Cecropia Minerva. Græcarum literarum cognitio.*

*Cecrops fuit primus Atheniensium Rex.*

XIX

*Censor carminum. Imperitus. 57. & 68. Invidus.*

XLIV

*Chironomica ars. Vide Tripherus.*

*Chrisippus. Stoicæ Sectæ Philosophus, qui supra quin-*

*que, & septuaginta librorum volumina scripsit.*

XXI

*Ciceronis linguam Fulvia acu pungit.*

LX

*Circes Ulyssis socios in suos mutat.*

XXXIX

*Claudius adulteriò Pompejæ, ac germanæ sororis in-*  
*cestu inquinatus.*

XXXV

*Cleans Zenonis præcepta in cadaverum ossibus scribe-*  
*bat.*

XLII

*Cleombrotus Philosophus, lecto Platonis libro, De*  
*Animæ immortalitate, se ipsum è sublimi*  
*saxo præcipitavit, ut citiùs ad Beatorum cœ-*  
*tum perveniret.*

LXII

*Cleopatra aspidibus corpori admotis se interficit.*

XXX

*Colles Domini. Septem Romæ Colles.*

XXXII

*Colonia Arcadum Oretæa, nuper Panormi fundata.*

XLIII

*Coma Berenicæ. Vide Berenice,*

*Cyclas. Fœmineum vestimentum circumdans corpus.*

LVI

*Cynicus. Vide Diogenes.*

## D

**D***emocritus. Philosophus Abderita, qui quocum-*  
*que Fortune casu in risum resolvebatur.*

LXIV

*Demosthenes ex calamo venenum haurit.*

XIX

*Dianæ Ephesinæ Templum. Vide Hierostratus.*

*Diogenes Cynicus. Dolio se contorquens, volubilem se*

*habere domum dicebat. LVJ. Eodem anno, ac die, quo Alexander Magnus obiit. XXII. Interroganti cuiquam, quodnam gruius onus Terræ sustineret, Indoctum hominem, respondit. LX XIV*

## E

- E**phesine Dianæ Templum. Vide Herostratus.  
*Esau lentis edulio primogenita vendidit. VII*  
 Euagoras. Vide Athenienses.  
 Euclides. Geometra insignis, qui multa de Geometria, ac Musica conscripsit. IX  
 Euricleus Tontinius, Pastor Arcas. Ab. Horatius Vanuzzi, in aula Cardinalis Galeatii Marefcotti cubiculi Præfectus. XI. & XXXII  
 Exquilia. Mons Romanus, vulgò M. di S. Maria Maggiore. xi

## F

- F**agindus Ionides P.A. Comes Ioannes Antonius Giantar, Academicus Intronus &c. XI  
 Florus Lucius. Scriptor Historicus. IX  
 Franciscus Castiglia, Vide Castiglia.  
 Fulvia Marci Antonii Uxor extincti Ciceronis linguam acu pungit. LX.

## G

- G**alileus Telescopii inventor cæcus emoritur. XXXIX  
 Greci. XVI. XXXIX. & LXXXVI  
 He-

## H

**H** Eliogabalus Imperator convivas rosis opprimit. LXXV  
 Helleborum album. Vide Antycira.

Hellepontiacus Pons. Vide Xerxes.

Heraclitus.

LXIV

Hermocrates moriens se sibi Heredem testamento  
 scripsit.

XIII

Herosttratus Diana Ephesina Templum incendit.

XXI

Hippocrates. Medicus insignis, qui Æsculapii filius  
 vulgò credebatur. Vixit annos 104.

XL

## I

**I** Ambici versus. Vide Archilochus.

Icbneumon. Mus Indicus felis magnitudine.

VII

INNOCENTIUS XIII. Michael Angelus de Comitibus  
 Romanus. Celebratur eius Assumptio ad Pon-  
 tificatum.

LXIIV

Inventores. Cantilenarum amatoriarum. Vide Alc-  
 manus. Iambici carminis. Vide Archilochus.  
 Tauri aenei. Vide Perillus. Telescopii. Vide  
 Galileus.

Jovis Simulacrum à Phidia inchoatum fulmineo ictu  
 perficitur.

XVIII

Judex Phrygius. Paris, qui pomum aureum Veneri  
 dedit, quam Junone, ac Pallade pulchriorem,  
 judicavit.

XXX

Juvenalis Decii Iunii sententia, ac dicta.

VIII

XVI. XXV. XXXII. XXXVII. XLIV. XLVI. XLIX. LVI. &

LXXVI.

M 3

Lxxv

## L

- L**æna Pellenica. Vide Pellenica læna. LXIV  
 Latia Matrona. Lucretia Romana. XXXVII  
 Leda. Castoris, & Pollucis Mater. XXXIII  
 Lucius Sylla apud Romanos Felicis cognomen sibi ad-  
 optavit. XLV  
 Lucullus. Munificentissimus Dux Romanus, qui Mi-  
 thridatem superavit. VII  
 Lycambes. Vide Archilochus. XLIV  
 Lyfismachus frigida baustu Regnum vendidit. XLV  
 Lyfippus solus poterat Alexandrum M. fingere.

## M

- M**acedo. Vide Alexander. LVII.  
 Mæna. Vilis pisciculi. LVII.  
 Marci Antonii Uxor. Vide Fulvia. LVII.  
 Marcus Antonius Zondadarius. Vide Zondadarius. LVII.  
 Matrona Latia. Lucretia. LVII.  
 Matronæ Latie, & Sabine castitate insignes. LVII.  
 Melita. Insula nobilissima, in qua olim Cartagenen-  
 ses, Galli, Romani, aliæque illustres Natio-  
 nes; nunc verò incluta Melitenfis Natio com-  
 moratur. Laudatur. LVII.  
 Menecrates Medicus mercedis vice ab egrotis exige-  
 bat, ut eum Jovem, ac Dominum vocarent. LVII.  
 Messalina. Claudii Cesaris Uxor lascivissima. LVII.  
 Mi-

*Milites Cartaginenses abscissis Mulierum crinibus arcus tendebant.*

xvii.

*Minerva. Sapientiæ, & Artium Dea. Minerva Cecropia, Græcarum litterarum cognitio.*

xix.

*Mitbridatis Uxor. Vide Monima.*

*Monima, Mitbridatis Uxor, proprio diademate se suspendit.*

LXvi.

*Morio. Is, qui fatuasoliditate risum ciet.*

LXXiv

*Musarum aves. Vide Poëtæ.*

*Myrmecides quadrigam fecit ex ebore, quam musca alis integebat.*

vii.

## N

**N** *Avis sale onerata Maris procelli obruitur.*

XLV.

*Nealces, cum spumam equi delineare arte non potuisset, spongiâ in Tabulam jactâ, illam casu perfecit.*

Lix.

## O

**O** *Nophrius Eremita. Vide. Pannutius.*

*Oretæ Arcadum Colonia nuper Panormi fundata.*

XLiii.

*Oretus. Panormi Fluentum.*

ibid.

*Orix. Caprea Sylvestris, quæ contrario pilo vestitur, & ad caput verso.*

vii.

*Orlandus. Heros notissimus poemate Ludovici Ariosti.*

xv.

*Ormirus Promacormius P. A. Cajetanus Giardina Panormitanus, Academicus Genialis.*

XLiii.

*Otho Imperator ad prælium iturus speculum gestabat.*

XLix.



- P** *Alemon. Vide Rhemnius Palemon.*
- D. Pannutius, quum Onophrium Eremitam reperisset, illum extimuit, Satyrum esse suspicatus.* XLVIII.
- Pellenica lana. Vestis nobilissima, que olim Victori in Junoniis ludis premii vice dabatur. Pellene autem Achaje Civitas, in qua similes fiebant.* XVIII.
- Pelusiaca lens. Pelusium Aegipti oppidum, vulgo Damiaata, aliis Roſeto.* XXV.
- Penelope. Icarī filia, Ulyſſi viro fidelissima.* LXIV.
- Pereira Joſeph, S. R. E. Cardinalis. laudatur.* XL.
- Perillus in Taurum in eum, quem ipse fabricaverat, coniectus est.* XLVI.
- Phidias. Statuarius celebratissimus.* XVIII.
- Philetas Cous Elegiographus fuit corpore tam tenui, ut plantis suis plumbum adhiberet, ne ventorum flatu raperetur.* XXIV.
- Phrygius Judex. Paris Trojanus.* XXX.
- Platonis liber, de Animę immortalitate. Vide Cleombrotus.*
- Poëtę Musarum aves à Theocrito vocantur.* XXIV.
- Pomum aureum Veneri dedit Paris.* XXX.
- Pons Helleſpontiacus. Vide Xerſes.*
- Priene. Urbs Maritima, Biantis patria.* XIII.
- Pyrgoteles solus poterat Alexandrum M. in gemma ſculpere.* XLIV.

## Q

**Q**uarintus Bolinus P. A. Comes Ignatius Franciscus Vuzginus, Socer Authoris. laudatur. LXVIII.

## R

**R**egnator Lusiacus. Joannes V. Lusitaniae Rex. XL.  
 Rhamnusiae Veneris simulacrum. Vide Agoracritus.  
 Rbeda Myrmecidis. Vide Myrmecides.

Rhemnius Palamon. Grammaticus insignis, Fab.  
 Quintiliani Praceptor. iv.

Ronchus. Sonitus, qui editur naso, à stertentibus, quo  
 Zoili saepe utuntur, cum quid ineptum esse signifi-  
 ficare velint. li.

## S

**S**abine Matrone pudicitiae insignes fuere. xxx.  
 Sapiens Octavus. Sapientum Octavus per ironiam  
 dicitur is, qui sibi multum tribuat in sapientia. iv.

Sardoa equa. Sardonia est Insula Maris Medi-  
 terranei, in qua perexigui corpore equi gignuntur. vii.

Simulacrum Jovis à Phidia inchoatum fulmineo ictu  
 perficitur. xviii.

Simulacrum Veneris Rhamnusiae. Vide Agoracritus.

Sisinnius Monachus in sepulchro se inclusit, in quo vi-  
 xit ad mortem usque. LXXii.

Solon Atheniensis Imperium Patrie recusavit; sed il-  
 lam opportunis Legibus instruxit. XLV.

Stigma. Censura nota. Stigmata, probrosc litera à  
 Ro-

*Romanis in fronte inurebantur servis improbis,  
ac fugitivis.*

xix.

*Sutrina ancilla. Sutrium, oppidum, vulgò Sutri.*

xliii.

*Sybarita. Luxus Sybaritarum notus; unde adagium:*

*Sybaritæ per plateas.*

*Sylla. Vide Lucius Sylla.*

## T

**T** *Acitus. Historicus scriptor notissimus.*

ix.

*Telescopii inventor. Vide Galilæus.*

*Templum Caci à nomine dictum. Romæ vulgò.*

*S. Stefano del Cacco.*

xxvi.

*Templum Dianæ Ephesinæ. Vide Herostratus.*

*Templa, Minervæ, Pacis, D. Petri.*

xi.

*Testudo. Vide Æschylus.*

*Tethys. Neptuni coniux.*

iii., xxvii. &amp; lvii.

*Tbais. Meretrix Alexandrina, quæ Atticam Juventutem in sui amorem pellexit.*

lxiv.

*Tbales Milesius Astra meditans in foveam cecidit.*

liii.

*Thalia. Musa jocosa, & ludicra.*

xi.

*Tbemis. Justitiæ Dea.*

lxviii.

*Theocritus Musarum aues Poëtas vocavit.*

xxiv.

*Theon. Poëta maledicus; unde adagium: Dente Theonino rodi.*

xv.

*Tbyrsis Leucasus Pastor Arcas. Io: Baptista Zappi, Unus ex Arcadiæ Fundatoribus, Vates præstantissimus, quo promovente Author in Arcadum numerum fuit adscitus. Obiit anno 1720.*

v.

*Tibris. Romanum Flumen celebratissimum.*

xl.

Ti-

*Tiresias . Senex Thebanus , qui constitutus Judex de lite jocosa inter Jovem, & Junonem secundum Jovem pronūciavit; ob quod à Junone excacatus à Jove mente futura intuente donatus fuit .*

xiv.

*Tripberus præstantissimus fuit arte Cbironomici discendi fercula .*

xiii.

## V

**V** *Annuzzi Horatius . Vide Euriclæus Tontinius . Venus Rhæmnusia . Vide Agoracritus .*

*Verres C. rapinis Siciliam spoliavit .*

xxxv.

*Ulyssis socii . Vide Cyrces .*

*Uranus Tegæus P. A. Ab Vincentius Leonius , unus ex Arcadiæ Fundatoribus, quo promovente Author inter Arcades fuit relatus . Obiit anno 1720. Li.*

*Uva à Zeuxide depicta .*

ix.

*Uzzinus P. Aloysius M. Soc. Jesu, morum integritate insignis . Obiit anno 1717.*

xxxiv.

*Uzzinus Comes Ignatius Franciscus . Vide Quarintus Bolinæus .*

*Uxor Claudii Cesaris . Vide Messalina .*

*Uxor Marci Antonii . Vide Fulvia .*

*Uxor Mitbridatis . Vide Monima .*

## X

**X** *Erfses ventos, qui pontem Hellepontiacum dissecerant , verberari jussit .*

lxiii.

# Z

- Z** Appi Jo: *Baptista* . Xide Thyrsis Leucasius .  
*Zeno*. Stoicorū *Seſta* conditor , qui adeò ab Àthe-  
 niensibus in honore habitus fuit , ut apud eum  
 claves Urbis deponerent. XLII.
- Zeuxis* anum à ſepictam ſine fine ridens emortuus eſt . LXX.
- Zoë* . Laſciva Imperatrix , quæ maritum interfecit ,  
 ut liberiùs mœcharetur . LXIV.
- Zondadarius* Marcus Antonius , M. Magiſter Ordinis  
 Hieroſolymitani, Princeps Melita &c. lau-  
 datur i. xxvii. llii. & ult.

## Errata quædam.

Pag. 9. verſ. 2. ſonres  
 Pag. 18. verſ. 16. jamue  
 Pag. 21. verſ. 12. centu  
 Pag. 22. verſ. 13. fuit ;  
 Pag. 24. verſ. 6. tenui  
 Pag. 27. verſ. 16. munere  
 Pag. 35. verſ. 10. Sertoris  
 Pag. 35. verſ. 11. Caltrice .  
 Pag. 36. verſ. 17. fuſte  
 Pag. 39. verſ. 13. Ulyſſis  
 Pag. 44. verſ. 16. de quodam  
 Pag. 57. verſ. 3. Numia  
 Pag. 57. verſ. 14. Epigramma X  
 Pag. 62. verſ. 17. comptule , Munna  
 Pag. 66. verſ. ult. vices ,  
 Pag. 67. verſ. 2. Fortunæ  
 Pag. 73. verſ. 14. reſectâ

## Sic corrigenda .

fontes  
 jamque  
 cenſu  
 fuit ?  
 tenui  
 munere  
 Sertorius  
 Caltrice ,  
 fuſte  
 Ulyſſis ?  
 De quodam  
 Numine  
 Epigramma  
 comptule Munna ,  
 vices .  
 Fortunæ  
 reſectâ

## In Primo Indice.

Epigr. 1. Zondadaxio

Zondadario .



HAG 2019071





